

明
詩
紀
事

明詩紀事

貴陽陳田輯

丙

謝遷一首

遷字子喬餘姚人成化乙未第一人及第授修撰歷
諭德庶子少詹兼侍講學士入閣參預機務進詹事
擢兵部尚書東閣大學士加太子少保太子太保改
禮部尚書進武英殿大學士少傅兼太子太傅請誅
劉瑾忤旨致仕除名瑾誅復職再致仕起戶部尚書
兼謹身殿大學士贈太傅諡文正有歸田稿八卷

四庫總目謝遷文集全稿嘉靖中倭亂被燬歸田稿八
卷乃其致仕以後及再召時所作也集中奏疏類多

習靜

晚年陳謝之作凡在朝時嘉謨讜論均已無存卽史
所稱請罷選妃嬪禁約內官諸疏亦散失然還當歸
里以所後正劉瑾焦芳等挾怨修卻日在危疑震憾之
中而所作詩文大抵詞旨和平惟眷眷寄江湖魏闕
之思老臣憂國退不忘君讀此一編已足以知其忠
惻矣王鏊震澤絕間成化弘治間翰林聲望最重者吳寬
次則謝遷兩人皆狀元及第儀幹修整寬溫粹舍安
遷明暢亮直寬詩文俱有古意遷亦亞之故一時並
有公輔之望遷入內閣十餘年號能持正不失爲賢
相時劉健爲首相遷數言寬當入閣健曰待我去用
之他日又以爲言又曰待我去用之遷爭之不得至
聲色俱厲健但笑而已皇甫庸近峯間畧弘治乙丑大學士木齋謝公乞致
仕薦吳文定王文恪二公以代己言極懇至一時恬
讓之風感動中外劉瑾致仕瑾意回測人皆危之木齋
曰天佑皇明我當無他不見劉元城之事乎處之裕
如日與客圍棋賦詩可謂雅量

一座不到水邊亭掃石焚香畫掩扇方沼萍開魚掉尾高崖
松動鶴梳翎窗臨絕澗涵虛白山隔重湖送迤青更是晚來
羣動息空庭仰卧數流星

主鑒 十二首

鑒字濟之吳人成化乙未第二人及第授編修歷侍
講諭德少詹兼侍講學士擢吏部侍郎入閣參預機
務進戶部尙書文淵閣大學士加少傅兼太子太傅
贈太傅諡文恪有震澤集三十卷

烏衣佳話吳中落花詩自沈石田起一詠三十律一
時詩人倡和者斐然至有和韻者未免東坡搗率之
謂王文恪公詠落花絕句云魚鱗滴水斑斑如觀
蜂愁鶴慘顏只有道人心似水花開花落總如閒觀
此詩一洗山林陳腐之陋奚以多爲
田按文恪以文章名一世集中七言律絕格調風致

竟爾
不凡

贈梁都憲巡撫四川

赤甲白鹽雄作鎮，鐵冠繡斧稟先聲。
雪山已爲來時重，黑水應聞去後清。
殿上位虛中執法，邊頭人散小圍營。
惡誰說與蘇明允，畫像無煩記姓名。

送吳編修克溫歸省宜興

玉堂退直幾相從，茗盞薰鑪坐晏春。
遠別芳洲生杜若，清詞秋水出芙蓉。
交情淡愛周公瑾，宦況輕懷邵曼容。
問罷起居還就道，渭陽雲樹思重重。

送同年俞副使之四川兵備

控帶西南坐上遊，安危須共主分憂。
蜀人到老懷張詠，邊計

從前仗武侯地遠烏蠻耕更早天高白帝鎮橫秋雪山不見
南來雁書寄同年幾日收

送僧方冊歸善權寺

荆溪東望夢陵嶒欲訪坡翁惜未能今日上人飛錫去西風
誰與攝衣登洞汭玉帶追仙李泉落銅棺漱古藤他日三生
堂外見山人應訝我來曾

姪延學作亭湖上

幾醉池亭雪色醺近聞亭子勢尤高白鷗不避新翻曲黃鳥
時窺舊賜袍波影半簾雲滉漾山嵐四面畫周遭我來湖上
題詩句禿盡山中秋兔毫

望陽山

青谿欲盡轉逶迤卧對陽山舟自移問有高人何處住白雲
紅樹影離離

春日山行

風輒波平一鑑開湖山重疊見樓臺萬株晴雪懸崖裏只爲
梅花也合來

此詩亦見文
森中丞集

丹陽孫思和訪余于洞庭詩以送之

玉柱金庭未易尋飽看七十二瑤岑太湖多少閒風月歸對
金焦盡日吟

答胡太守孝思次韻

太湖三萬六千頃七十二峯煙雨中畫船五宿澄波裏千古
風流始屬公

王弼 七首

弼字存敬黃巖人成化乙未進士除溧水知縣遷刑

部郎中出爲興化知府有南郭集

林俊見素集南郭逸才橫發壯思雄飛出入韋柳蘇黃宋筋唐響通其正變

三台詩錄南郭詩才思豪逸後師山谷多拗句造思頗苦自謂不如是不足以遠甜俗一派

田按南郭治興化稱循吏詩如回甘諫果正味森森

二馬圖爲陳明之題

壯哉陳明之有此兩玉驄一驄色作葡萄錦一驄雪尾雲爲
紫咄哉明之此非畫兩胡碧眼睛相射手中綠繩三尺垂人
馬意態俱閑暇燕郊二月沙草春淡風豔日開煙塵兩龍浴
罷桃花水迴視八極生精神十年侍朝未央殿西北貢馬尋

常見驚駘豈有仗下材空勞萬乘臨軒看有如此圖誠不多
舉足萬里無山河試令放馳九折坂定與飛鶴爭先過神物
不受人間役冥冥天意應相屬明朝卷軸送還君莫使春雷
驚我屋

賞梨花用東坡梅花韻

缺月挂在城南村百花黯慘無精魂開眼東闌一株雪清光
回盡寒燈昏牽衣昨夜走相覓風物雖好非吾園盤龍小枕
破春夢主人顏色如花溫歸來展轉久不寐縞衣月淡扶桑
嗽今宵又作省中宿相思復欲來呼門露華颼颼鬢冷主
人不出花無言明當掃拂花下石我欲往置雙清尊

神樂道院分詠枸杞

簇簇紅霜映石壇高標留借野人看
風光牽挽藤三尺秋色扶持竹半竿
本草性涼消內熱仙家味苦帶儒酸
向來肺爲憂時渴欲卧籬根待一餐

次韻陳一夔清明感懷

公詩常切故園悲不耐紅塵帽底吹
上巳風光依例好中年情況自家知
勝遊準擬隨輕策貧具惟應有伏雌
明日城東濯纓去平泉石上送青時

四月十四日德州官廨見薔薇花盛開有感明日道間
又聞鶯聲宛轉在樹陰中不勝淒惋賦此自遣

昨朝苦被薔薇惱今日重聞黃栗留
飄轉客身殊未定闌珊春事不勝愁
青林氣重迷征旆迴野風鉅憶故裘
傳節漸更

家漸遠無憑歸夢付東流

便面

竹裏幽亭是我家門前白水浸平沙
釣船順放中流下袖手船頭看浪花

彭綱一首

綱字性仁清江人成化乙未進士授兵部主事遷員外
出知汝州擢僉事遷雲南提學副使有雲田集

詠刺桐花

樹頭樹底花楚楚風吹密葉翠翩翩
露出幾隻紅鸚鵡

升菴集古有三句之詩意足詞賅盤屈於二十一字之中最為難工得檢前賢詩不過四五首而已岑之敬當墟曲云明月二八照花新當墟十五晚留賓四眸口萬橫自陳最為絕唱唐傳奇無名氏春詞云楊

柳裊裊隨風急西樓美人春夢中繡簾斜捲千條入
朱謝皋羽寄鄧牧心云杜鵑花開桑葉齊戴勝芊生
藥草肥九鎖山人歸未歸拱武中詹天厓寄山中友
人云桂樹蒼蒼月如霧山中故人讀書處白露濕衣
不可去又古步虛詞云三十六天高太清元君夫人
跼雲語吟風颺颺吹玉笙近日雲南提學彭綱詠刺
桐花云云亦風韻可愛也刺桐花雲南名爲鸚哥花
花形酷似之彭公此詩本四句命吏寫刻於匾遺其
一句復誦之自覺意足乃不更
改余聞之晉甯待御唐池南云

徐源 一首

源字仲山長洲人成化乙未進士授工部主事遷兵
部郎中出爲廣東參政遷湖廣布政使擢右副都御
史巡撫山東有瓜涇集二卷

笠澤

娟娟月一川杳杳笛三弄釣艇入蘆花驚破鳧鷖夢

文貴一首

貴字天爵湘鄉人廣甯左屯衛籍成化乙未進士授
御史累官布政使擢右副都御史巡撫延綏進兵部
侍郎兼左僉都御史提督宣大軍務

還湘上故里譙集褚公祠

馬邑龍堆白草肥牙旌高捲塞鴻稀還鄉爲報浮洲客飛鳥
依人已倦歸

朱訥一首

訥字存仁寶應人成化丁酉舉人除鄞縣知縣改長
陽再改江陵

燕

三月巢乾雛未成茅堂來往日營營說殘午夢千聲巧剪破
春愁兩尾輕官柳陰濃金鏤合水芹香細綠波晴畫闌十二
無人倚一半梨花一半鶯

萬綸一首

綸字允言永昌人成化丁酉舉人除武岡學正遷長
史有西窗集

雜詠

謝卻紅塵二十年歸來林下興悠然小橋流水通雲谷老屋
青山繞石田野杖斜穿花徑雨釣蓑輕帶柳溪煙誰言光景
西山薄自有金丹可斡旋

楊守陞一首

守陞字維立鄞人成化戊戌第二人及第授編修遷

南侍讀召修寶錄遷侍講學士擢南吏部侍郎加尚

書致仕有碧川文鈔二十九卷

曹學佺石倉詩選成弘時人文為盛而公家為尤盛
文懿起於前公與康簡廢之一時羣從登朝者六人
公譽望尤著而後易名之典至今關焉蓋公視篆
翰林時適遇朝廷一日問升傳官四十員科道上
章因下詔獄六十員言路一空公移書當軸謂當極
力申救不宜作缺更補語甚切直而當軸者不能從
吳門沈啟南為作詩以侈其事始大忿悲陰搆之於
新都楊公謂已推轂新都為東宮講官而不及公以
此為憾新都領之未幾公與常軸者俱逝疏請易名
而新都兩靳之云石田詩板當時已被毀其續集刻
無此詩謹拈此
段以備採擇

孝陵恭謁有述

淮海龍飛入建康金戈鐵馬淨機槍不階尺土興如漢盡復

華風治邁唐三紀袞衣明日月萬年峻寢肅風霜小臣瞻拜
祠宮外惟見參天樹色蒼

楊廷和 一首

廷和字介夫新都人成化戊戌進士選庶吉士授檢討
歷修撰侍讀中允春坊大學士少詹詹事入東閣
典誥敕遷南吏部侍郎進南戶部尙書召還除戶部
尙書進文淵閣大學士參預機務改吏部屢加少保
太子太保少傅太子太傅少師太子太師進武英殿
大學士再進謹身殿華蓋殿以議禮削職爲民隆慶
初復官贈太保謚文忠有石齋集八卷

送神武蔡千戶致仕還湖州

神武挂冠歸舊隱赤松相伴話長生太湖合是逃名地畫舫
絃歌自在行

劉忠 五首

忠字司直陳留人成化戊戌進士選庶吉士授編修
歷侍講侍讀學士掌翰林院遷南禮部侍郎進尙書
改南吏部召還拜吏部尙書兼文淵閣大學士參預
機務加少傅兼太子太傅進武英殿大學士贈太保
諡文肅有野亭遺稿八卷

田接太保不以詩名七
言斷句有古人風調

內進元宵詩 二首

太乙祈靈陋漢風上元遺俗古今同君王崇孝排淫祀移取

熬燈壽兩宮

寶月華燈繞殿廊九重歡進萬年觴東風似解同仁意吹送笙歌出禁牆

明皇擊毬圖

我勸韓公諫且休多言不是殿頭謀范陽場上逢盧李蹴蹋神州等一毬

宋故宮

二帝龍遊真不返山河回念舊神都格天閣上人凝望曾有飛鴻繫帛無

趙子昂茗溪圖

清詩寶墨浙東西宋室宗臣漢獻齊欲上汴州觀艮嶽風光

應否似茗溪

梁儲一首

儲字叔厚廣東順德人成化戊戌進士選庶吉士授
編修歷侍講洗馬學士少詹擢吏部侍郎進尙書以
事降侍郎尋復職加太子少保調南吏部召還以吏
部尙書兼文淵閣大學士入參機務屢加少傅太子
太傅少師太子太師進建極殿大學士再進華蓋殿
大學士贈太師諡文康有鬱洲遺稿十卷

留都吏部公讌

故人交誼重南金
畫省風流許重尋
千里雲霄違比翼
十年江漢阻知音
祥鸞自合歸阿閣
倦鳥惟思返故林
多謝北堂

今夜月後來應照我還心

林俊

六首

俊字待用莆田人成化戊戌進士授刑部主事遷員外以事下獄謫姚州判官遷南刑部員外擢雲南按察副使進按察使改湖廣引疾歸起廣東布政使不赴起僉都御史督操江改巡撫江西進右副都御史改四川遷右都御史致仕起工部尙書改刑部加太子太保致仕卒追論議禮削職隆慶初復官贈少保諡貞肅有集五十四卷

四庫總目俊詩多學山谷後山頗多隱澀之詞而氣味頗能遠俗
藝苑卮言林待用如太湖中頑石非不具微致無乃癡重

田按尚書詩晦澀者不必言時遇
疏豁者如絕壑疏林別有風景

題松雪山水

山水何人稱絕奇
吳興松雪老畫師
鄭虔祁岳不足數
前身合是病王維
與可胸中有成竹
此老林壑故不俗
輕綃落筆百態生
奇形遠勢相追逐
長松自昔參天材
疏髯碧淨無氛埃
脩然茅屋二三子
衡門靜掩荒蒼苔
袒跣無營百事拙
竹裡漁舟卧秋月
壯歌激越遶空翠
散亂白波舞晴雪
老子家住雲水鄉
披圖見此心如狂
藤蓑穩著賦歸去
倚天一笑江茫茫

夏賴

日長了官事
倚杖大溪濱
沙石淨臨水
煙花閒度春
科頭風

到竹招手鶴隨人茅屋青邱晚漁樵感卜隣

題清上人山房

亂松深古寺衰謝白雲期生滅慧燈靜晴陰疏磬知檐虛江
色遠日薄鳥聲遲錫杖西來意曹溪亦幾枝

翠亭草堂

名家傳筆格處士接丰標泉石境難畫耕漁興可招杜門消
短日飽飯答清朝引鶴西湖路春風第二橋

和韻

細柳新蒲綠映溪釣船閒與鷺羣棲覓來野火晚煨蘋踏碎
山雲春拾藜流水不緣催老去飢烏似欲向人唳石牀對月
清難夢起步星河又轉西

仙遊

紆徑層巒鳥道蒼煙碧水人家石澗每含山雨溪深時放桃花

陳章一首

章字一夔松江華亭人成化戊戌進士授刑部主事
歷員外郎中擢湖廣按察副使未行降瑞州同知遷
高州知府改黃州有西潭稿

楊循吉七人聯句詩記陳一夔好作詩醞釀典則時
有真詣語如秋懷云人老漸驚生白髮家貧未辦買
青山余以爲自然妙句語余公作語須發得自家
意思出乃佳余久有此意口不能道得君言遂添一
悟境

田按一夔在刑部時與屠元勳林待用陳匯之秦延
贊王存敬趙栗夫相倡和其卒於高州也王存敬哭
以詩云別路同攀春柳條聞君秋駐海南郵書來自

喜州無瘴運去那知鬼作妖于建詩雄空蓋世宗元
謫死不還朝黃梅嶺外駒輶雨零落殘魂誰與招

賈島峪

故庵尙在青山裏卻說長安片瓦無早有詩名驚吏部勸加
巾服變浮屠回看全賀風斯下上接岑王道不孤我獨愛君
詩瘦健推敲想亦費工夫

李韶一首

韶字□□富順人成化戊戌進士歷工部郎中擢雲
南參政遷江西布政使

秋浦

秋浦生晚煙蟬聲在高樹時見打魚人來喚斜陽渡

黃文琳一首

文琳字潤玉莆田人成化戊戌進士

見梅花有懷

梅花初破臘千里憶同心欲寄憐途遠將攀愁雪深煙生極浦晚日落半溪陰倚闌情無限淒然望碧岑

鍾璿一首

璿字良玉永豐人成化戊戌進士除咸甯知縣有登秋漫稿

題南山觀壁

南山遠勢連空同山下樓臺煙霧中東海仙人影在壁月波道士顏如童嵐光和雨滴春翠丹氣浮天接夜虹憑高一笑空宇宙俯視下土塵濛濛

林廷選 一首

廷選字舜舉長樂人成化辛丑進士授蘇州推官遷
監察御史出爲浙江僉事進副使歷廣東按察使布
政使南大理卿以右都御史總督兩廣拜南工部尙
書有竹田集

泊蘭溪

縣枕青山驛傍溪行蹤已徧浙東西高林樓閣畫圖出繞郭
峯巒房障低相燭迎春金縷字香醪過夏甕封泥泊舟不寢
思鄉切坐聽灘聲并鳥嘯

趙寬 一首

寬字栗夫吳江人成化辛丑進士除刑部主事歷員

外郎中出爲浙江提學副使遷廣東按察使有半江集

田按栗夫集名半江邵文散亦名半江詩品略相似

觀蕭淩漢所藏東坡題識文湖州墨竹

霜縑閱世五百年鵝黃半落浮殘煙光搖翡翠秋娟娟怒蛟
蹶張虬盤旋漠漠遠水連長天錯刀翦玉聲戛然誰哉置我
冰崖巔纖肌發栗思重綿坡翁老可骨已仙何事突兀參吾
前高風逸韻橫八埏欲攀其髯手攣拳昨夢明月生玉川

張吉一首

吉字克修餘千人成化辛丑進士除工部主事以言
事謫景東通判遷肇慶同知歷梧州知府廣西兵備

副使掘貴州布政使有古城集七卷

暮投上葉村

白妥紅殷翠欲勻小園猶見未殘春盤中細蕨兼新筍卻喜
山家風味真

盧格二首

格字正夫東陽人成化辛丑進士除貴溪知縣擢江
西道御史有荷亭集

田按劉念齋荷亭集序稱正夫令貴溪多惠政以母
老乞歸築荷亭三楹鍵戶不出奉養外日取古人書
讀之所著荷亭辨論十卷與朱子異同
十六七誠明辨之士也詩亦有風格

江行

夜闌酒初醒風物無限情松壑發靈籟蘭槳擊空明徘徊復

徘徊懷抱一時清

西湖

十里湖光綠染衣
滿船燈火夜忘歸
憑誰寄語林和靖
近歲梅花學雪飛

葉元玉一首

元玉字廷璽清流人
成化辛丑進士
歷戶部郎中出
爲潮州知府有古匡集

次高郵湖

湖水漫漫無畔岸
風波日日有人行
輸他林下幽棲客
閒看梅花破雪清

方向一首

向字與義桐城人成化辛丑進士授南戶科給事中
以言事謫多羅驛丞後官瓊州知府

山中雜咏

薄雲不成雨山中有餘白月光墮尊酒照我衰顏色舊交日
已遠芳時坐來歔惆悵平生懷今夕竟何夕

鄭瑗一首

瑗字仲璧莆田人成化辛丑進士授南禮部主事遷
郎中有蜩笑集

將進酒

我有斗酒甘如飴何以斟之金屈卮青髯倏忽成白髭今我
不樂日月馳君不見三閭大夫號湘纍獨醒不肯啜其醑身

後虛名徒爾爲爭如隴西李謫仙醉騎鯨魚飛上天

彭甫一首

甫字原岳莆田人成化辛丑進士累官廣西提學僉

事有忍庵集

題畫

暮雲收盡青山出靈籟數聲風動松鷗鳥無心自歸去卧看
明月上孤篷

明詩紀事

貴陽陳田輯

丙鑑

邵寶

七首

寶字國賢無錫人成化甲辰進士授許州知州入爲
戶部員外郎歷郎中遷江西提學副使歷浙江按察
使進布政使改湖廣擢右副都御史總督漕運以忤
劉瑾致仕瑾誅起巡撫貴州遷戶部侍郎進南禮部
尚書卒贈太子太保謚文莊有春容堂前後集三十
四卷續集十八卷別集九卷

四庫總目

寶詩清和澹泊能抒寫性靈

田按文莊詩格平衍其蘊藉入古處則學爲之也在

茶陵詩派中不
失爲第二流

送僧圓顯住慧山寺

寺據諸山會公因一檄來夢驚松閣雨歸掃石床苔得主憐
西社遺書釣北臺野雲心迹在古洞傍泉開

三竺道中

人行松徑靜數里不知遙路轉還逢寺僧迎只過橋岩姿收
獨妙泉響息羣鷺東去頻回首山花似我邀

重登松風閣

天風滿榻坐參禪上有松聲下有泉高閣重來三紀外老僧
誰起百年前茶爐夜濕蠶花雨畫壁春銷劫火煙最是瀧岡
猶未表北山回首思潸然

山中懷楊儀部

未得登君野性堂
兩年清夢獨難忘
笑談每怪逢僧懶
文字猶嫌應客忙
山月挂松真灑落
海雲迎鶴更昂藏
吳天楚地同秋水
老盡蒹葭一夜霜

贈周山人

曉起空庭月在松
慧山寺裏初鳴鐘
詩翁見訪來何早
第七峯前一短筇

贈錢校書

夫椒山前孤草亭
水風吹月秋冥冥
客來鶴去主人返
七十二峯湖上青

泊儲潭

儲潭廟前春水深春雲帶雨晝陰陰
鐘磬鼓禮神去一十八灘行路心

儲巖十四首

巖字靜夫泰州人成化甲辰進士授南吏部主事歷
郎中改北遷太僕少卿進本寺卿擢右僉都御史總
督南京糧儲召拜戶部侍郎引疾歸起南戶部侍郎
改吏部嘉靖初謚文懿有柴墟集十五卷嗣野集一

卷

容春堂集柴墟詩渾雄跌宕洒落清遠風雅遺音公
蓋有之
靜志居詩話文懿掉鞅詞場與楊若謙徐子仁杜樞
居昫契君謙嘗題扇寄之文懿愛惜緘題字未開視
也一日子仁樞居過出扇作畫文懿因題詩寄君謙
云爲惜緘題入手遲清風千里故人思畫成一事知

還欠封寄江南乞寫詩亦藝林韻事也
田按柴墟以西涯爲師空同爲友故詩力雄厚迴異
之體

廷章文光邀遊龍潭寺賦謝

蒼山宛龍蟠南棹琅琊尾潏潏兩崖間一綫行如蟻崎嶇度
澗杓蒼莽拂林卉何年鑿靈巖佛閣擅雄偉長年環滁思江
介浮一輩及茲偕良遊落落故人幾肝腸苦雕琢鬢髮銷譏
誚懸隄石上題留詩吊山鬼兩公廊廟具名姓在丹旰空山
豈久留且醉月生朏

過玄武湖

北山飛翠凝吾杯舟人舉棹相徘徊城隅振舵踏冰入船底
軋軋聞春雷霜風吹衣衣欲裂湖天決潏疑飛雪司空勸飲

夕郎剛始覺微酣生頗熱中流咫尺冰盡開沙禽水鳥忘驚猜
新洲昨夜梅花發暗香偏逐詩人來湖波爲帶城爲被冊
府圖書真得地堪笑前朝建此都只將山水供遊戲鍾山龍
蟠幾百里有龍宮藏劍履山中老樹盡成龍夜夜飛來飲
湖水湖波直與銀河通胥城一派垂晴虹柏梯高寒石梁迴
十洲三島神仙宮長堤隱隱湖心路隄上行人自來去春風
楊柳夏芙蓉換盡年光顏色故世間萬事如雲煙湖光山綠
只依然不及湖中魚與鳥涵泳恩波今百年

清源舟夜

十年三往復此地忽重經塵土長安夢煙波汶水船平川涵
夕景遠樹隱春星魯酒偏難醉從人笑獨醒

彭城有懷

清夜棹歌發高秋客思生綿綿鄉國夢歷歷水雲程老樹危
蟠石衝波怒嚙城白門樓上月偏傍海東明

金臺

萬里長風動薛蘿眼中燕趙共山河越程未辦登高賦問俗
猶傳擊筑歌喬木幾經荒塚盡斜陽偏傍故臺多黃金不解
縱橫厄疑有冥鴻避網羅

大房金源諸陵

長白山高朔漠連金源風致故依然千秋魂魄猶思沛萬里
邱陵卻到燕感事重翻江統疏傷心莫問靖康年幽蘭一曲
雄圖歇汝水悠悠入墓田

再次盤山舉字韻答恆叔治中

羊腸空曲倚連峯上有燕人避世蹤
樂土不煩沙嶺戍廢垣曾傍石門封
雲中秋興歌黃鵠天際江聲瀉黑龍
見說漁陽豪俠地田疇栖處有誰從

屢卜居未遂

僦屋都城已十年移從東陌復西廛
傍人門戶終低首老我風塵未息肩
江海故墟三畝宅歌鐘甲第萬緡錢
一枝應被林鳩笑今在長安若箇邊

次克溫南宮賞魏花

南宮花發滿朱闌對酒先判十日看
彩筆舊傳才子夢青綾誰道主人寒
明粧向晚圍紅燭妙舞迴春試翠盤
空艷花枝

無好句東風應笑客衰殘

次韻謝武靖伯惠茉莉茶

茉莉香浮碧枕新
槍旗猶帶建安春
何人更汲中冷水
來餉松廳病暑人

過西墅看竹

雨後初分一畝涼
西園合有墨君堂
籊龍不用愁斤斧
坐看新梢百尺長

郊行

淩競瘦馬踏春泥
雪後郊原綠未齊
一抹午煙風隔斷
野雞聲在竹林西

村舍前杏花爛開

錦樹成圓爛漫春毀垣荒舍未全貧碧雲欲合斜陽淡最是
無言更惱人

題極樂巖龕

老樹輪囷怪石棱鳥鳴猶在白雲層山中歲月非人世輸與
巖龕打坐僧

喬宇一首

字字希大太原樂平人成化甲辰進士授禮部主事
改吏部歷員外郎中遷太常少卿光祿卿擢戶部侍
郎進南禮部尚書就改兵部召拜吏部尚書加少保
兼太子太保贈少傅諡莊簡有白巖集二十卷

列卿紀喬公詩始擬古作後擺落陳辭往往多自得
語樂府雄雉有作者風氣

藝苑厄言喬希大如漢官出臨遠郊亦自粗具威儀
梁維樞玉劍尊開徐霽嘗語人有明以來喬宇篆法
第一人
莫敢望

東園卽事

名園列嘉燕晴旭散輕陰地比東都勝情同北海深山屏環
坐隱林籟答行吟仙迹移城市桃源路可尋

王雲鳳

五首

雲鳳字應韶和順人成化甲辰進士授禮部主事歷
員外郎中以劾太監李廣誣下獄謫陝州知州遷陝
西提學副使歷山東按察使召爲國子祭酒以僉都
御史巡撫宣府有博趣齋稿

國史唯疑劉瑾末年欲收羅人望蔡清王雲鳳俱以
致仕起兩京祭酒蔡未聞命卒王輒請瑾臨太學如
行殿卷八

魚朝恩故事復請較刻瑾近行法例永仲遵守雲鳳
甫釋褐知禮察清爲師中緣忤李廣謫生平可觀不
意末披猖至此晉人猶以侶喬守王瓊並稱三鳳不
知何說
田按河東三鳳白巖品學政績稱最晉溪虎谷俱以
交納嬖幸爲玷虎谷文采較晉溪差優如洮水南分
羌部落鐵城西控漢山川天連瀚海雲常慘風起龍
沙客自愁草侵戰血秦王壘塵沒雕梁寶氏宮老僧
相見坐無語一院野
花山寺秋皆可誦也

青陵臺

青陵臺何崔嵬妾心已爲夫壻死蛾眉肯向君王開地下幽
魂相對語樹頭嬌鳥求其侶祇今名姓記韓憑高臺何處是
青陵

晚坐聞雁約張用昭登金童山

春雨生泥罷出遊小窗疏竹晚來幽家書每向鳥占喜客枕

那堪雁送愁幾日吟毫粗適意經年文案苦埋頭故人欲共
壺觴約一上金童百尺樓

商州道次韻

風葉蕭蕭點亂山愁人到此一開顏
稚子林間驅犢出老翁
澗底負冰還

孟仲平墳

祝融祠下仲平墳走馬來尋日已曛
十載故人凋落盡空山
無處覓機雲

送任中夫歸太原

旅館相逢卽故鄉別筵誰道近垂楊
燕山二月春猶薄欲贈
煙絲苦不長

張志瀄 一首

志瀄字進之永昌衛人成化甲辰進士授吏部主事
歷員外郎中遷太常少卿進本寺卿擢南工部侍郎

改戶部有南園集

田按侍郎南園漫錄續錄各十卷四庫僅錄漫錄
十卷余兄崑山宦滇購得完本余採滇人楊琮陶甯
詩皆據此本也其中尚有論詩一則云永昌府既革
元之府學盡毀然間有作詩者皆可觀如山行云山
勢似墮未墮水聲欲停未停行過小橋
回首天然一幅丹青惜未著作者名氏

春園

長憶曾遊李監園一時名勝動都門別來陳迹已如夢偶記
新詩還可論小宅自收三畝俸緇塵迴隔九衢喧今年黍稌
占豐候多辦糟邱少辦餐

蔡清 一首

清字介夫晉江人成化甲辰進士授禮部主事改吏部歷禮部員外南吏部郎中遷江西提學副使以忤甯藩引疾去起南國子祭酒命下卒有虛齋集六卷別鄒汝愚謫雷州吏目

慷慨出門去默與千秋期飽喫惠州飯少和淵明詩

張詡 二首

詡字廷實番禺人成化甲辰進士授戶部主事徵拜南通政司參議有東所集十三卷

田按廷實白沙弟子有句云千篇擊壤詩陶性然其所作殊不類擊壤也

光孝寺

百粵山川秀三城甲第雄笙歌開院落雲霧隔簾櫳人物消
應盡江山變不窮昔爲虞氏國今作楚王宮

泰和舟中中秋與友人玩月

潦倒江湖百不能逢君殊覺喜懷增停舟共賞中秋月促席
高燒兩夜燈國士低徊心耿耿客途跋涉鬢星星明朝又作
澄江別快閣無心擬一登

楊循吉 四首

循吉字君謙吳人成化甲辰進士授禮部主事以病
乞歸有松鶴堂集十二卷都下贈僧詩一卷菊花百
詠一卷齋中拙詠一卷燈窓末藝一卷攢眉集一卷
藝苑卮言楊君謙爲儀部主事與郎中不得因謝病
歸久之病良已起復除原官君謙多病而好讀書最

不喜人問酬應嘗開卷至得意因起踣掉不休人遂
相目呼頰主事云復官爾月再乞病告吏部以格不
可曰吾難致仕復病耶安得告而可為者致仕耳君謙
悲曰吾問外事而蹤跡益詭怪寡時僅三十餘旣以歸益
亡復問外易而更悔之又好緣文章語中傷人正德
故以起人易而更悔之又好緣文章語中傷人正德
末君謙老且貧嘗識伶賊賢頓首曰故主事楊循上一日問
誰為善詞上趣為詔起郡邑守令曰故主事楊循上一日問
也善詞上趣為詔起郡邑守令曰故主事楊循上一日問
治裝見君謙冠武入冠靴輪戎錦已怪之又乘勢語
多侵守令已見上畢上每有所幸燕令君謙應制為
新聲咸稱旨受賞亡異伶伍又不授君謙官與秩間
謂曰若嫻樂能為伶長乎君謙愧悔汗洽背謀於賢
乃以他語懇上放歸益不自憚諸後進少年非薄之
亡禮問者而其文亦漸落不復進卒窮老以死所著
奚囊雜纂未成書
續吳錄家君嘗云楊君謙先生過大父令題家君
語以當擴大其意遂題云山人們摸胃次笑煙水萬
頃雲千層又題一畫扇云一竿竹一笠我知是陸
望知是張志和醉醒張眼問人世我是何人識得
又題云蠶豆香生澗水深溪邊聞立聽風吟有人識
得寒山子直到天台寺裏尋此著過家君時頃刻書

故載之
筆精吳郡楊循吉初授官卽致仕歸讀書支硎山南
華寺沈石田賦詩以美之云到手功名賦子虛深山
長谷覓安居讀書已足功名事更讀人間未見書都
門祖帳百花香多見龍鍾賦式微較取柳條千萬折
不曾送一少年歸
談遷棗林雜俎武宗南巡於北固山上見楊循吉留
題因召見行在見上不能對遂罷歸忌者因以爲
伶人臧賢所薦不知此際循吉貧不能糊口其赴召
也典衣爲裝惡從市伶人王元美輕信筆其事於后
言因而傳播天下冤哉徐文貞云世廟初年欲起君
謙聞其顛而止楊公實顛不以伶人事也愚按正德
十六年癸未發京師是日卽杖臧賢等於午門戌邊
安得從南巡薦循吉也又江甯徐子仁霖亦曰臧賢
所薦是年十二月上至南京賢死久矣流聞之謬如
此
田按君謙才力富贈徒以不受古人檢束取易曉於
里夫堅子故體多近俳然集中合作如詠陽山雲泉
菴大石詠石假山諸篇
未嘗不嘆爲奇寶也

詠陽山雲泉菴大石奉和諸公同遊聯句

偉哉此陽山有石俟歌誦形將冰塊截勢與蓮花共仰觀一
何高登陟不可輕鳥飛必徊翔雲出自騰渝孤員外成嶠空
朗中含洞瘦如辟穀良清若食蚓仲深思殆天設乍至令人
恐濃蘿作垂陰寒泉滴爲凍戴菴亦顛危攜觴更交綜耳脇
或駢攢勒拳時獨送巍巍上少並森森下多從荒厓始誰開
倒樹諒非種在茲三吳間當以九鼎重崇巖借冠冕卑巒聽
提控勞呼援固匿被壓松堪訟曲躬始得門側身還入衙拂
苔劣容眠收乳兼資用志猶記秦餘材曷遺禹貢立久氣濕
袍嘯高聲達瓊論年越殷周言時晦唐宋一爲佛者居永作
遊人奉病宜謚作史寐稱搏養衆四方傳不誣諸公評切中
臨谷足還酸乘嶺目徧縱支頤詎厭看極口難竭諷鬼鑿手

須臾鯨負背應痛東岱徒小魯西華慘推雍懸磬風發鳴香
爐煙結供曝沙伏靈龜食罔停遠鳳是知隆拔羣所貴秀合
眾偷餘殿容榱就隙亭閣棟枯藤蔓穿竅長蛇舌掠縫輕盈
受指彈玲瓏脫泥壅帶拜本無忝羽撼爭得動栽培稀尺閑
構架靡寸空炎伏涼自生清秋月堪弄林深必賴燭嵐酷能
作隼星光猶立芒龍吟殊叶礪嶺獅馴已賓阜虎甯敢開久
嗟隔勝賞頻勞落清夢卽欲營終棲其奈懷微俸

田按姑蘇志陽山一名秦餘杭山一名萬安在城西
北三十里高八百五十餘丈透迤二十餘里以其背
陰面陽故曰陽山一支東北過金芝嶺曰嘯山山北
大石湧出如蓮花上有雲泉菴吳匏菴陽山大石巖
雲泉菴記云陽山視諸山雄偉特甚其陰石巖然起
如人負奇骨而偃者當嶽巖礪碗間有僧居在焉成
化間予與太僕少卿李貞伯吳興張子靜松陵史明
古往遊自許墅北轉入小溪舍舟從平田行仰見石

勞欲墜舉足甚恐入門竹樹幽茂薜荔滿牆僧緣崖
架木有小屋在石下益奇喜而就宿聯爲長句云巖
巖者大石李奇觀人所誦遐想十年餘吳來遊五人
共舍舟始登陸杖策不持鞋是時日當夕史茲山
氣逾滃入門信突兀李拾級駭空洞落星何破碎
靈鷲相伯仲仰觀神欲飛我俯瞰心屢恐鱗被苔
剝骨立冰雪凍史神驅道擒呵李鬼劈交錯縱尊嚴
藥君臨吳張拱儼賓送環列盡兒孫張擁護等僕從
欲假思公移史諒非雍伯種難卧鼓慨怍亡李對曰怯
杵重倪吻呀未收吳龍鬚怒難控疑血疑痛鞭張立
肺詎冤訟上漏還敢窗史中通自成街大惟補天功
小可砥肌用分矢肅愼來李浮磐泗演貢張廉利並
攢劍兀臬側倚瓊嶂山學嶽歸雲白流泉
民俱瞻五壯哉客難奉史落照紅抹赫歸雲白流泉
僧講點頭膺李將射沒羽中塵緣契三生吳陣圖懷
七縱張在縣太師擊攻玉詩人諷仙煮充腹飢俗
免腰痛瑤琨產維揚吳琅玕出乃雍高題少室名李
怪作東坡供半空見玉蜩干仞附青鳳張栖禪逾百
年問僧僅三衆憑虛闌曲闌吳架閣出飛棟史竹幽
補堂幻樹古嵌崖縫寶黑炊煙熏李坎平鍾乳遙盤
盤棧道危吳號激水泉動張登頓足疲眺望眼醉
空史松露髮欲濡潭月手可弄吳窮扳任生數李醉

吟微帶髀列坐對鸛跼張大呼應鐘磬嗜癖牛李思
史詩戰郡魯閔拜奇得顛名姦墜成靈夢吳試與叩
山靈肯售捐薄俸李君謙此詩卽和鮑翁等韻也
翁又跋大石聯句後云君謙此詩卽和鮑翁等韻也
時之興耳二十年來不意和者之多如此主僧智輅
持以來見輅云再還吳中太僕以下相繼而逝不能
絕鮑翁又云予再還吳中太僕以下相繼而逝不能
獨遊徒得沈啟南所作巨國時取而玩之余檢姑蘇
志有啟南大石狀詩附錄於此望秦餘杭首尾行
不了大石突其尻翹然一舉橋山體厚藏骨吐秀此
特表正類抱中嬰頭頂竊於祿形大氣則散趣足喜
在表其深雖未即接目遠已好頃來莫能窮繼至敢
草草覩牆道林麓記曲乃遺查登登覺向峻漸駭
木杪覩峯據門左阿禁口欲啖有磴沿百級有殿巖
山造並殿跨偃石懸身龍媯矯行入自其下恍惚
四爪轉高躋其背股慄身亦掉鎖腦結佛亭所仗怖
可掇四壁滿題句貴賤成雜埽次尋巖間索峰房互
窈窕緣勢盡西向局地窄接椽雲磴中貫穿所歷平
地少陽崖詫不可燃亂蟄疑目皆虛舍風颺颺濕映雲
稍稍危窳網不烈亂蟄疑目皆虛舍風颺颺濕映雲
厠縹危窳網不烈亂蟄疑目皆虛舍風颺颺濕映雲
蘿萬斜見山桃花微紅映叢篠旣夕氣更佳延月象

倍皎向欠一踏雪意先有瑤島東坡昔袖
去援例我非狡山僧苦著相便覺生煩惱

石假山

何哉奇復奇聚此照眼碧玲瓏千百竅突兀八九尺中居獨
尊嚴傍擁互扶掖猊雄怒張吻馬瘦高見瘠枯藤絡巖生老
檜鑽坼網湖水獻寶斧山雲失宅飛來鷺峯栽推開劍門
剗狎觀常解帶肅拜或呼幘勢掩肺腑層形標拳臂隻浪淘
猶見紋虎爪仍存迹朝惟講僧坐夜乏將軍射三槎非可參
一拳茲乃積曲折畫手知巧妙詩家得陟磴披翠簾臨池扣
金鯽林泉釣初心漁樵盟舊癖空支九節杖莫縱千仞屐窗
窺雖眇小意賞同弘碩幸忝司郡人甯愁竊中夕

都下夜集對雨聯句

高筵啟秋雨

王仁甫

頓爾淨餘煇得非洗我塵

徐寬

似欲添君酌

階前渠溜走

趙寬

燈下檐花落來遲路遂阻

陳章

坐久衣轉薄暫

停得耳靜

王弱

忽至令心愕蕭蕭佐歸懷

楊循吉

潄潄亂歡譁翻

盆入杜詠

侯直

名亭見蘇作浸深牆可危

王仁甫

泛滿庭堪濯徒

穴蟻何智

徐寬

歸林禽亦樂來如銜枚陣

趙寬

響失巡階栢諸公

競解帶

陳章

羣僕皆赤腳積陰已連朝

王彌

浮潤先徵昨良賓坐

自困

楊循吉

好主投不錯決明色猶鮮

侯直

梧桐意方索滴成老

況愁

王仁甫

激起鄉思惡客方利河漲

徐寬

我亦思屐著試將聽

官舍

趙寬

何如枕山閣朝街泥想尺

陳章

漏地水驚勾忙身夜竊

暇

王仁甫

病體涼得藥對酒今則同

楊循吉

逐事明又各搜吟思

已倦

侯直

願且更束約

王仁甫

七人聯句詩記余頃得請將還山中承古直老人一
夔存敬公繩栗夫四刑部約以飲食過余作餞次日
爲八月二十四日丁酉余命家人掃地布席栗夫工
部適至諸君繼至徐栗夫將起去余與諸君共挽留
之遂復入坐時日暮雨作乃命家僮出肴核蔬菜陳
列几上又令別設一小案具紙筆以待諸君敘坐古
直老人黃岩王仁甫南向左位第一工部主事海甯
徐栗夫寬南向右位第二刑部主事松江陳一夔章
北向左位第三刑部主事黃巖王存敬弼北向右位
第四刑部主事華亭侯公繩直西向位第五刑部主
事吳江趙栗夫寬東向位第六禮部主事吳郡楊君
謙西向次公繩之下位第七酒部主事爲詩監以典
請於諸君作長句爲樂因復請立一人爲詩監以典
賞罰留駁就請命題以趙栗夫爲之栗夫曰今對夜
雨只此可詠也詩用五言以落字爲韻誠曰詩只詠
雨夜事不許汗漫無干如此者罰酒仍不雅詩聽詩
監詳定於是古直老人先唱一百句諸人繼成之共二
十詠方聯句時一客乘筆搆思則六客無事一巡詩
至須待二三刻余以爲不樂乃僭立一客裂紙如掌
闕者七紙請於趙栗夫監主之栗夫曰諸余乃以六
詩述不當者詩監主之栗夫曰諸余乃以六小紙散

諸君之前而自留其一時徐栗夫先成曰黃金臺下
雨聲稠白玉橋邊水亂流戀關思親情更切不堪今
夜故人留陳一夢次成曰自笑馮郎老更迂故山田
舍半荒蕪縱然麟閣在平地未有丹青畫老夫存
數次成曰七賢言志一燈前次到迂夫獨然食祿
十年官再健不曾留得買書錢楊君謙次成曰長揖
諸君從此辭病人筋力自家知如今祇抱醫方看做
得功名也是癡人筋力自家知如今祇抱醫方看做
夜堂燒燭影輝輝自憐王粲身飄泊白首人間尚未
歸侯公繩次成曰馬蹏日走紅塵自怪微官繫此
身滄海煙波無限好未歸真是不如人趙栗夫次成
曰苦憶東南山水限已無情緒走塵埃何人先自清
遊去我聯句猶未成諸君各自述既周是時雨益甚
不止而聯句猶未成諸君各自述既周是時雨益甚
妨始甚樂余復以詩未盡諸君之興詩與聯句無
著盤中置几上諸君訝問何為余笑曰此當尤樂耳
乃請於詩監趙栗夫曰七人當互相贈答以開為定
諸君拈之於是古栗夫曰七人當互相贈答以開為定
王存敬陳一襲得趙栗夫曰七人當互相贈答以開為定
得徐栗夫趙栗夫得侯公繩楊君謙得古直栗夫公拈
既定乃請乘聯句之暇各為之聯句到則復轅而為
聯句句成付肩下客而為贈答詩誠無誤公事於是

徐栗夫遂贈王存敬云根在丹崖葉在吳百年鄉思
豈能無對君欲贈平生意愧乏一雙明月珠存敬答
云問字纔休已駕車我來還復挽君裾留連未說鄉
情好今夜詩壇正要渠栗夫本黃巖人徙海甯亦吳
地次陳一夔贈趙栗夫云菜市街西新卜居萱棚瓜
蔓共蕭疏胃中富有書千卷誰笑家無僮石儲栗夫
得詩仰而笑稱妙甚衆客傳觀皆賞以爲雅製栗夫
答云風流故與時情別榜散偏於酒趣深未老便悛
投綬計知公天性在山林時一夔雅有長往之志次
楊君謙贈古直老人云草聖詩狂兩得名家家歡喜
老先生翻嫌邵叟身多累愛把車兒礙散行古直老
人答云文章直可接前賢江海知名已十年手裡長
篇許贈我老夫今夜不能眠次趙栗夫贈侯公綢云
瀕洞宵中一事無世情官況兩蕭疏野人久坐春風
裡自覺年來鄙吝除公繩答云三百人中子實才兩
年書牘共秋臺白憐茅塞無除理卻謝先生爲我開
次王存敬贈陳一夔云君家垣西低草堂常有數斗
白銀漿五十官卑人不識時時裏吐虹光白銀漿
卽一夔餉予白蓮花酒也存敬詩師西江一夔答云
梅黃詩句可爭能素操兼看冷似冰他日期君何處
是龍門寺裏一枝藤次侯公綢贈徐栗夫云建安詩
派流傳遠驥足曾馳七子中夜雨燈前成邂逅一談

一笑得相同栗夫答云山思天竺連峯碧
 出水紅雨地相過殊不遠他年杖履可能同
 人貽楊君謙云秋宗聲譽滿京華壯歲詩文老
 病後愈加才力健不教天上草黃麻君謙答云
 不過持爵祿綴文亦是弄時光但求身健無疾
 緝閑談勝草黃成化二十二年丙午八月二十六日
 病子楊循吉記

湖上

湖上魚吹細沫行湖邊花草足風情
 天光上下清頗怪病身逢酒健久留眇
 游人過競擁簾頭送櫓鳴

黃瓚一首

瓚字公獻儀真人成化甲辰進士授南戶部主事
 員外郎中出為四川參議歷浙江參政江西湖廣布

政使召拜應天府尹以右副都御史巡撫山東遷南

兵部侍郎有雪洲集十四卷

四庫總目瓚詩多伉厲之響

同畢嘉會送馮憲副還浙

廣陵淹畢誠越山老馮唐兩賢師友間力障波瀾狂翩翩遊
子衣獨與朔雁翔汲古尙董井銷魂更雷塘胡然歌式微綵
服戀故鄉江離未堪折遠思憑誰將

董樸一首

樸字汝道麻城人成化甲辰進士歷重慶知府遷參

政

國史唯疑董樸初登第以使過岳州謁劉忠宣於家
劉歎之夢飯糟蝦更無他具董感省矢服清操先聖

一言動爲世運攸關如此
湖北詩徵傳畧參政詩自寫胸臆正如繁音迭奏忽
聞幽鳥一聲
凡響皆寂

易菴

笑傲白雲窩生涯一笠蓑引泉憑竹簣補屋借藤蘿溪煖魚
初戲林深鳥自歌釣舟如葉小從不識風波

貢欽一首

欽字元禮宣城人成化甲辰進士官順德知府有湖
亭集

書吳氏壁

宛陵城外野人家路入青山小逕斜出水香芹低拂燕過牆
弱柳暗藏鴉瓦盆溜雨新鋤酒石鼎飛煙旋煮茶更愛主人

留客久春風齊放一亭花

林廷玉 六首

廷玉字粹夫侯官人陝西平涼衛籍成化甲辰進士
授吏科給事中改工科以論事下獄謫判海州遷茶
陵知州歷廣東僉事副使山西參政入爲通政使以
僉都御史巡撫保定改南京總督糧儲致仕有南澗

先生集

田按粹夫以劾程克勤鬻題事爲世所不直史但書
給事中華景劾鬻題事不實訓南京主簿而遺粹夫
事克勤一時賢者出獄後憤悲卒言者
能不職其咎乎錄粹夫詩附著於此

再至定林寺

白雲鎖禪關松花落如雨佳木翳繁陰林深不知暑老衲卧

雲間雪巖能梵語吁嗟匡廬社遠公在何許

叢臺

叢臺之上烏夜啼叢臺之下草淒淒趙王已去叢臺在行人
路上空栖栖碧樹蟬鳴涼泚北黃雲雁度王屋西興亡千古
盧生夢芳草斜陽望眼迷

林泉

柴門繫釣船野徑嘒幽鳥山翁睡起遲落花紅不埽

漫興

把酒對芳春風花能幾度殷勤勸美人竊恐春遲暮

林下

高樹秋風急疏林夕照斜柴門臨水岸幾簇拒霜花

姑蘇

姑蘇城邊秋水清姑蘇城上秋月明吳王已去姑蘇在半夜
西風吹雨聲

藍章二首

章字文繡卽墨人成化甲辰進士除知縣擢御史歷
大理寺丞少卿擢右僉都御史忤劉瑾謫撫州判官
起原官巡撫陝西遷右副都御史進南刑部侍郎兼
僉都御史改南工部有勞山遺稿

野興

白雲橫江天色空江邊老木起秋風幽懷欲吐無人見曳杖
危橋亭子東

題畫竹

吳松江水似清湘煙雨孤篷道路長
寫出無聲腸斷句竹雞
嘯處竹蒼蒼

陳衮一首

衮字廷章建昌新城人成化丙午舉人除天台知縣
改青田遷儋州知州汀州同知

仰山

絕頂龍洲照碧空亂雲殘霧一重重
斜陽收拾丹青稿畫出
溪南雪後峯

明詩紀事

貴陽陳田輯

五

費宏二首

宏字子充鉛山人成化丁未第一人及第授修撰歷
贊善諭德太常少卿兼侍讀擢禮部侍郎進尚書兼
文淵閣大學士參預機務加太子太保進武英殿大
學士改戶部尚書致仕嘉靖初起原官加少保進吏
部尚書謹身殿大學士再進少師兼太子太師華蓋
殿大學士卒贈太保諡文憲有鵝湖摘稿二十卷

田按世宗朝先以議禮次以齋醮君子小人迭爲消
長然其初政如費文憲楊文襄石文隱輩未嘗不傾

心延接君廣臣和詩集署宏銜曰內閣掌參機務輔導首
章命輯侶和詩集署宏銜曰內閣掌參機務輔導首
臣嘆其尊禮前此未有餘檢宸章輯錄帝賜文惠詩
云每從古訓尋治理歌詠研磨陶性情詩成朕意或
未愜中侍傳宣出紫清賜文襄詩云才兼文與武內
外資安攘寬朕西顧憂遂使吾民康賜文隱詩云卿
以延薦入性資特剛方在木類松柏在玉如珪璋可
否每獻贊忠實無他賜張璉桂萼以議禮貴忌宏寵
夢言詩文小技不足勞聖心且使宏得馮寵靈凌壓
朝士未幾宏瑤皆去一清被傾陷發憤疽發背死而
瑤致仕後卒且得下諡矣

雨霽

雨霽郊原潤春深景物妍煖雲低覆樹流水漫成川徑草碧
如翦檻花紅欲燃呼童理耕稼生計在農田

睡起

習閒成懶百無功塵事難侵世界空睡起呼童向籬落菊花

枝上促青蟲

石珪二十首

珪字邦彥冀城人成化丁未進士選庶吉士授檢討
歷修撰南侍讀學士國子祭酒擢南吏部侍郎召改
禮部兼翰林學士掌院事拜本部尙書掌詹事府事
進吏部入內閣專典誥敕尋詔以吏部尙書兼文淵
閣大學士參預機務進太子太保武英殿大學士加
少保乞歸卒諡文隱隆慶初改諡文介有熊峯集十
卷

四庫總目珪出李東陽之門東陽每稱後進可託以柄
斯文者惟珪一人珪詩文皆平正通達具有茶陵之
體

列卿記文隱詩歌成一家言少師李文正曰邦彥詩

詞皆中矩度而七言古詩尤超脫凡近製所不及
藝苑厄言石少保詩如披沙揀金時見寶
靜志居詩話少保爰立永陵初年時諸臣以謏
禮忤旨帝初欲爰以自助而鯁直自守至三封內批
帝心弗善也故雖位列中台其詩多蹇產而不澤如
云屯勉二十年十事九失意又云人生值命薄所遇
多不平又云誰云日偃仰亦復成局促又云趾發物
已迕意行悔相連又云軒冕豈不華一喜生眾惕又
云懞懞鳴春鳥解使朝變昏又云古來忠與邪往往
激礪淺又云苟移造化柄賁士亦易崇又云甯為白
璧碎不作脂與韋甯為鈍劍折不作鉤與錐又云事
去朝露空安辨窮與達又云賤語日紛綸君臣互相
諛但聞都俞聲無復嘒與吁又云終然千古下忽有
知已歎豈當日綸扉之間未盡和衷之雅一傳眾咻
誰與為善乃知人生不得行胸懷作相與不遇等也
田按少保立初嶽嶽懷方不肯隨人作計詩亦清音
亮節不愧詞人

擬古傷歌行

葉落花殘君不見春來秋去如飛電富貴千年劫火灰邱陵

幾度桑田變五侯高樓臨大道寶釵金鈿埋秋草張放甯知
金穴平楊家一日冰山倒君看荒塚饒荆棘當年俱有同天
力勸君對酒且高歌莫負庭前芳草色

有所思

雙星熒熒隔秋水秋入城頭漏聲裏窗間梧桐風瑟瑟青鳥
南飛月華白朱絃一撥意已傳夢繞博山雙紫煙藕絲易脫
雲易散十二碧峯秋雨前

短歌行

苦霜凋綠華耿耿抱香死快刀割直絃一斷不可已翠袖弓
鞋雙黛眉香輪回首淚沾衣采雲一散無消息惆悵綠鬟生
雪絲

登臨篇

登高邱臨清流驚濤拍岸風蕭颯東奔到海何日休浮生聚
散類萍梗滿地花草凝閒愁士雅空擊大江楫仲宣復上荆
南樓日落蒼梧思帝子風生蘆葉按伊州富貴豪華成莽蒼
斜月窺林影千丈誰家金鷗草猶黃舊日歌臺人竟往舊人
已往新復來仍張寶瑟勸金杯流魚偶與水相得長嘯不知
山欲摧鬢毛未白心成灰城南嘯鳥聲絕哀仰天奮頓一起
舞蹋碎石濠千古苔

清夜遊

宮夜泠泠月華白嬌騎踏空紅墮雪西園門外馱鼓聲十六
院中樂齊發楊郎蕭郎各一席千牛鬪雉宮娃泣坐中誰是

陳宣華寶帶猶拴同心結
菱荷風柔酣海霞錦綉樹
鴉雙鴉侍臣自舞王自歌
蜥蜴香銷金縷紗佛經僕
射呼不起梁燕才人竟冤
死潼關烽火照宮紅猶自
心輕漢天子龍角翻翻蔽
白日醉擁笙歌南下疾一
聲悲鐸不堪聽至今江柳
生愁色

娥媚謠

娥媚復娥媚不道李與桃
阿嬌十四著繡袍錦襦雙
佩并刀自從貞觀見天子
宮粧靚麗朱鞋高親挑佛
燈誦佛語邂逅君王淚如
雨未央前殿恰垂簾白馬
道場齊抱杵提兵誰遣太
法師縛賊親煩長公主大
雲經梵不足聽天堂火發
延御屏雨露新歸奉宸監
浮屠鬼戰金輪庭李花不
開媚娘舞

骨肉不如巖下土

有所思

東風二月揚新沙
憶醉燕南豪士家
狂歌劇舞共春色
正值東隣桃始花
情深每厭箏笛聒
意放不遺山林遮
船頭詩篇船尾酒
解纜直下清溪涯
太原喬生興踔絕
偏愛漁蓑冒風雪
杯空正自吸流泉
月出先判宿巖穴
封龍山人意原苦
坐覺悲風起尊俎
鬢星豈乏長安塵
衣斑尙帶西湖雨
百年離合江上雲
萬事紛紜江水紋
千里夕陽春草綠
停雲空憶鮑參軍

送伍朝信守甯波

官柳風柔拂酒盞
渭北江東意何限
五馬誰驅高蓋車
畫省

秋雲猶滿眼，纍纍肘印腰帶黃。太守年纔三十，強閤門不敢
鳴騶過里中。長者多父行，高堂日遲采衣舞。一觴一詠聲琅
琅，紫薇鉅公顏色揚。諸孫繞膝兒繞牀，牀頭經史映簪笏。膝
下歡娛殊未央，親恩君寵兩磅礴。膏雨還隨使車落，深村無
吠龍公府多神雀。愛月還登鎮海樓，尋幽或到燒丹壑。鏡川
幾曲春澄澄，人言使君如水平。棠陰無事坐舒嘯，惟聽江聲
雜鳥聲。

新雪

雪意已崇朝，淩風葉旋飄。著衣初點點，入竹故蕭蕭。翠壁誰
凝望，青帘久費招。期君坐今夕，燒燭看瓊瑤。

遊北寺亭上人後園

偶爲尋詩出樓華觸眼新鳥歌行酒地花覆倚欄人風簾渾
無譜蟲書太逼眞絕勝絃管夜紅袖舞香塵

喜晴

幾日多風雨新晴乍可憐青山當屋角白鳥到花前埽榻祛
塵夢揮毫著短篇不須登漢閣有思欲凌煙

同陳宗之諸同年飲雞鳴山憑虛閣略羅太常景鳴作
倡

二月到金陵秋山始一行人間無此地坐上得清卿痛飲平
生侶高樓萬古情蓬萊在何處縹緲暮聞笙

五日

角黍千年恨魚龍五日驕湘潭如可作楚詞不辭招落日明

帆影南風暗柳條賈生心自壯安用羨乘潮

易州道中

西風羸馬經行地易水長城是舊都壯士入秦名尙在客卿
歸趙勢全孤高臺歲久黃金盡古塞秋深白雁徂聞道關門
猶鎖鑰太平天子慎防胡

春暮見鶯

百花開盡聽鶯流一嘯能添數種愁巧舌傍人何太苦春光
隨水已難留心驚陌上誰家笛夢破城南少婦樓柳色萬行
聽不斷莫牽詩思到揚州

早朝追和匏老韻

蓬萊宮闕玉爲橋曳履年年侍早朝鎧靄著衣如過雨御溝

搖月欲生潮未排闥闔心猶壯纔望金莖渴已消奏罷從容
過東觀五雲隱隱聽笙簫

天寶宮詞

龍池樂上練裙飄珠履金璫稱舞腰舞罷芙蓉冠欲墜殿頭
傳旨賜含消

唐武宮詞

宜春苑外兔初肥長從君王射獵歸一色赭袍飛雨騎外人
不辨是賢妃

蒲觴曲

蒲梢短短半厭水蘗芽白白應滿池夏蟲葉上相思字苦竹
叢中腸斷詞

七夕

七月七夕風雨多御橋南望水增波鴛鴦自向沙頭宿不管
牛郎信若何

蔣冕 二首

冕字敬之全州人成化丁未進士選庶吉士授編修
歷中允諭德侍講學士少詹事擢吏部侍郎改掌詹
事府典誥敕遷禮部尚書兼文淵閣大學士參預機
務進武英殿大學士加太子太傅少傅改戶部進謹
身殿大學士乞休落職閒往隆慶初復官謚文定有
湘皋集三十三卷

田按文定當著項山詩話專紀邱文
莊詩相業遠過項山詩則未逮也

元夕應制

四海春風共一家韶光先到上林花
星橋曲曲通銀漢火樹叢叢結綵霞
佳氣煖浮雙鳳闕瑞煙晴護六龍車
繁華不作揚州夢一曲昇平月未斜

望君山

潛蘭江芷入秋多望裏君山恰一螺
欲向老聶求鐵笛夜深吹徹洞庭波

毛紀 三首

紀字維之掖人成化丁未進士選庶吉士授檢討歷
修撰侍讀諭德侍講學士進學士擢戶部侍郎改禮
部再改吏部拜禮部尙書典誥敕掌詹事府兼東閣

大學士參預機務加太子太保改文淵閣大學士進
少保戶部尚書武英殿大學士再進吏部尚書謹身
殿大學士乞致仕追論議禮奪官以恩詔敘復贈太
保謚文簡有繼峯類稿二十四卷

田按謝文正致仕復起以楊文襄不爲之下而歸費
文憲復起毛文簡有推讓名次疏云臣加少保偶在
宏先僉議謂臣列銜立班宜居其上竊惟宏加秩雖
在臣後而宏入閣則在臣先宏學識才幹過臣甚遠
恐不可概以爵鉤論也庶幾可
以愧躋進者小詩亦有清致

銅雀硯

荒臺野燒青古瓦寒雲滴卻把蘸詩毫東風弔赤壁

聽松卷子

蒼苔白石坐開顏盡日無塵鶴夢間起向前溪一洗耳濤聲

隨雨落空山

題畫

峯前蘚路石縈迴深樹柴扉面水開城市看山多向畫幾人
身到畫中來

吳廷舉 二首

廷舉字獻臣梧州人成化丁未進士除順德知縣遷
成都同知改松江擢廣東僉事歷副使劾中官逮繫
獄戍雁門赦免擢江西右參政乞休起廣東右布政
使召爲右副都御史遷工部侍郎改兵部南工部戶
部遷右都御史巡撫應天進南工部尙書諡清惠有
東湖奏疏西巡類藁

列卿記廷舉作詩效陳白沙
國史唯疑吳廷舉初請從李獻吉學詩言響不諧爲
所哂怒相排抵免官去後願疏薦李余誦李放歌云
東湖子君非洪認閻物之丈夫余亦豈卑卑與世而
浮沈恟復共鬪非庸劣靡萌終投萬古欽吳亦報之
詩夫既覲顏面豈不愜素心如何異同論三兩相參
差蓋兩公皆偉人負氣不
下微生哢毗旋消釋久矣

送李世卿還楚

文章伯仲歐陽子道德平交李老君歸去大崖了何事坐分

江月看山雲

宿玉蟾寺

川北湖南一水通生涯半寄祝融峯此身尙逐雲來往又挂

玉蟾山上松

陳鎬一首

鎬字宗之南京欽天監籍本會稽人成化丁未進士
授禮部主事改南吏部歷郎中出爲山東提學副使
歷江西參政進湖廣布政使以平賊功就遷右副都
御史巡撫湖廣謚清肅有矩菴漫稿

續金陵瑣事知菴陳公鄉邦麟鳳有知菴集余求之
三十年不得偶遇吉巖顧司理案頭見知菴詩一卷
錄之以寄景仰謁定山云定山今在眼夫子道云亡
朝苦功名薄耶曹鬢髮蒼青天知出處白璧愛文章
無限停驂意
蘋花遠澗香

遊靈巖

予豈邱壑士每有煙霞想况茲佳勝地興到成獨往振衣一
舒嘯千古發幽賞竹泉繞青壁霧雨翳林莽超然會夙心斯
巖信蕭爽

楊廉一首

廉字方震豐城人成化丁未進士選庶吉士授南戶
科給事中改刑科再改南兵科歷南光祿少卿太僕
少卿順天府尹擢南禮部侍郎進尙書贈太子少保
謚文恪有月湖集四十八卷

題畫

山高逕路微林深茅屋小讀易者何人焚香坐清曉

王鴻儒

六首

鴻儒字懋學南陽人成化丁未進士授南戶部主事
歷員外郎中出爲山西僉事進副使謝病歸起國子
祭酒再起南戶部侍郎改吏部進南戶部尙書卒謚

文莊有凝齋集九卷

田按尙書以名德重頗稱好事嘗獲陳后山集錢版行之詩亦清俊不凡

襄陵分司

遊歷關河迹似萍
塵襟到此頓然醒
萬竿綠玉眞淇澳
一點青螺小洞庭
魚藻浮游時近檻
鶯花爛漫好閒櫺
水南居士今陶謝
恨欠新詩落素屏

自嵐縣至興縣

自將行李出并門
此地眞堪一斷魂
樵牧徑荒惟有寺
逃亡屋壞不成村
澗堆墜石灘聲壯
峯過閒雲樹色昏
洞口薜蘿含夕照
虛疑世外有乾坤

京華秋興

鵲鵲高寒紫殿陰金壺銀箭夜沈沈洞簫賦美當誰賞紉扇
詞工謾獨吟暫狩長楊沿漢制終思茂草戒虞箴屬藁猛士
應多從傾耳西風玉輦音

至後三日雨連日

江南冬月氣猶溫風雨瀟瀟至後繁鍾阜雲迷禪寺塔秦淮
潮上酒家門閒來訪戴難乘興老去遊吳易斷魂何似鄉關
醉呼騎短衣衝雪獵平原

擬楊鐵崖小遊仙詞

二首

酒壚客舍已塵埃憶與同公舊往來鐵笛一聲塵夢醒岳陽
樓下水如苔

戲拋白鳳下清冥黃鶴樓頭雨正晴十八女郎歌勸酒人間

誰識是龍精

吳儼一首

儼字克溫宜興人成化丁未進士選庶吉士授編修
歷中允侍講學士掌南翰林院以忤劉瑾罷官瑾誅
復職擢南禮部侍郎進尚書贈太子太保諡文肅有
摘稿四卷

四庫總目儼當何李未出以前猶守明初舊格無鉤棘
塗飾之習其才其學雖不及李東陽之宏富而文章
局度春容詩格亦復閑雅往往因題寓意不似當時
臺閣流派沿爲膚廓雖名不甚著要與東陽肩隨亦
足相羽翼也

聽鄭伶琵琶

鄭伶名價重江東五百梨園伎盡空子夜猿嘯殘月白上林

鶯老落花紅江頭商婦愁無限塞外明妃恨不同可惜曹綱
今去遠何繇兩市門西風

羅玘二首

玘字景鳴南城人成化丁未進士選庶吉士授編修
歷侍讀南太常少卿進本寺卿擢南吏部侍郎引疾
歸嘉靖初謚文肅有圭峯集三十卷

藝苑卮言黃五獄省曾言南城羅公玘好爲奇古而
率多怪險卽有之辭居金陵時每有撰造必棲踞於
喬樹之巔微思天想或閉坐一室客有於隙間窺者
見其容色枯槁有死人氣皆緩履以出都少卿移乞
伊考墓銘銘成語少卿曰吾爲此銘瞑去四五度矣
今其所傳圭峯稿者大抵皆樹巔死後之所得也
國史唯疑羅圭峯山輸粟入監年四十餘祭酒邱文
莊公議南士不聽北留羅固請至再三受朴不挫面
數之曰若能識幾字崛強乃爾大聲應曰唯中祕書
未讀耳邱異之識其名堂柱再試文奇甚六館士莫

有及者驚嘆爲延譽於朝遂以其年發解聯第蔚爲名儒
田按景鳴鄉舉出西涯之門西涯依違劉瑾景鳴寄書責之云屢更變故雖嘗貢書然不敢頻言恐使此無益也今則天下皆知忠赤竭矣大事亦無所措手矣易曰不俟終日此言非欺彼朝夕獻諂以爲當依史冊書之萬世傳之不知此輩亦能救之乎白首後生受恩居多致有今日然病亦垂死而不言誰復言之伏望痛割舊志勇而從之不然請先削門生之籍然後公言於衆大加誅伐以彰叛恩者之罪生亦甘焉此書可以報舉主矣景鳴文章綽有矩範詩非所長作文至嘆去四五度劉彥和文章傷命之戒諒哉

送萬典史之黃岡

城脚更無地門開直到江縣樓對魚市驛舍接船窗烏立藏
蛇竹蟻緣馬椿聽琴還聽笛不是故園腔

和江殿讀齋居韻

漠漠昏鴉飛遶堂。抱稠吾恰到西廊。設拈短燭尋詩壁。笑見
斷瓠支敝牀。家遠青山難入夢。時清白首好爲郎。不慚衰朽
迎歸蹕。貪看舸航集萬方。

傅珪一首

珪字邦瑞。清苑人。成化丁未進士。選庶吉士。授編修。
歷中允。諭德。降修撰。尋遷中允。歷侍讀學士。翰林學
士。擢吏部侍郎。進禮部尙書。致仕。嘉靖初追贈太子
少保。諡文毅。有北潭集八卷。

田按邦瑞在正德朝遇事直言權倖側目矯旨致仕
杜門謝客足迹不至郡閭圍城西蒔花木日與親舊
飲酒賦詩爲樂耶山葛洪山皆郡之勝攜客
往遊峻絕幽邃人所不至之地皆留題而去

元宵應制

清夜香生輦路塵
蓮花如錦月如銀
君王別有光明燭
遍照窮檐蔀屋人

李文祥 一首

文祥字天瑞麻城人成化丁未進士選庶吉士以言事謫咸寧縣丞旋用薦召爲兵部主事坐事下獄貶興隆衛經歷經商城渡冰陷死有儉齋遺稿

堅瓠集成化中萬安子翼登進士官至侍郎翼子安璧成化丁未復倖得麻城李文祥爲其同榜負才名將對大廷安欲以宏璧託之因許及第使延別館致款屬題書鵠文祥奮筆題詩有春來風雨尋常事莫把天恩作已恩句安銜之弘治初有媒孽文祥者謫興隆衛經歷李西涯贈詩戒酒不從花底醉愛舟多在冰中居後文祥被酒過河冰陷溺死人以爲識

登岳陽樓

萬家煙火擁孤城一上高樓百感生往事悠悠東下水夜船

燈火枕江聲

鄒智一首

智字汝愚合州人成化丁未進士選庶吉士坐誣下

獄謫石城所吏目有立齋遺集五卷

四庫總目智詩文多發於至性不假修飾之功

雙槐歲鈔鄒吉士汝愚謫雷州千戶所吏目道吾廣
有司留館坡山士民爭先謁焉其同年蒼梧吳獻臣
廷舉尹順德令邑民李煥於古樓村建亭居之扁曰
謫仙弘治辛亥十月卒獻臣往治其喪適方伯東山
劉公大夏至邑不暇出迎廉知其故反加禮待共資
卹還其喪獻臣自是知名白沙陳公甫追次汝愚詩
曰還客一亭遺海濱當時誰號謫仙人花汀柳市無
疆界盡是乾坤一樣春獻臣和曰浮雲浩浩南海濱
落日獨照窮愁人狼藉幾株桃李樹謫仙亭上可憐
春

辭朝

雲韶聲靜拜彤墀
轉覺心驚不自持
罪大故應誅兩觀
網疏猶得竄三危
盡披肝膽知何日
望見衣裳只此時
但願太平無一事
孤臣萬死更何悲

靜志居詩話立齋以吉士建言請黜萬安劉吉尹直
三小人而進用王恕王竑彭韶三君子泰陵初政不
報既而萬尹被彈事去劉獨銜憾刺骨嗾其黨攻吉
中書人湯御史孫辭速立齋及劉壽州概李主事文
祥董河陽傑謂數人以詩酒相結納互相標榜詆毀
朝政概貽孫執五色石引牛就道人騎牛墜手挽之不
仆又見孫執五色石引牛就道人騎牛墜手挽之不
鯨將有扶持社稷之力法司周內坐以妖言惑眾律
罪當死賴王端毅何文肅徐文靖諸公力持之得生
而立齋遠謫化州干戶所吏目既踰嶺從陳文恭講
學未幾天折惜夫其獄中詩云人到白頭終是盡事
垂青史定誰真夢中不識身猶繫又逐東風入紫宸
誦者傷之至辭朝詩云望見衣裳只此時但願太平
只此時放臣逐客讀之尤爲悽斷

李堂二首

堂字時升鄞人成化丁未進士授工部主事歷員外郎中遷應天府丞南光祿寺卿擢南左僉都御史召爲工部侍郎總理河道引疾歸有堇山集十五卷

東錢湖絕句二首

深山何事仆穹碑石穴金丸禍已隨莫歎師王空一柳穆陵遺事更堪悲

楚王宮殿七浮圖殿址層層漫綠蕪幸有老松人不剪滿林落日正嘯烏

夏鍬四首

鍬字德樹天台人成化丁未進士謁選入都疏請復

李文祥鄒智官罷劉吉忤旨下獄尋釋除大理寺評

事有赤城集二十三卷

田按德樹以謫論著詩亦迴不猶人

東關歸路

七舍東關路還家卽勝遊水清如擁鏡山好只移舟江唱曹娥晚嶺謠天姥秋途窮鄉語入台越此分州

春日紀遊

相尋出郭消憂地不近山樵近澤漁細水隨行人箇箇晴沙擁坐柳疏疏林鶯起徒雙歌罷市酒提攜一笑初譙徹杏園仍浪迹不才多病欲何如

立春日白齋所居作

故園春風又一吹
脈脈還來動酒卮
豈少梅花笑幽處
更饒江色弄晴漪
衰遲正苦鄰人遠
懶惰偏宜俗子嗤
接笑暫同三徑裏
柴門竹影共移時

官舍對菊

雨墜黃花豔晴軒
漆几幽但看無意採
不是故園秋

楊子器

一首

子器字名父慈谿人
成化丁未進士知崑山
高平嘗熟三縣擢吏部主事
歷員外郎中出爲湖廣參議
遷河南布政使有柳塘先生遺稿

都公譚纂慈谿楊名父子器爲詩敏捷下筆數百言
不屬草一日余與楊君謙同會名父鴻毫立成數律
君謙曰君之才敏捷堪奉使外國足以驚倒夷人名
父曰吾詩不行於中國僅可驚番人乎相顧一笑

元順帝宮詞

練鵝髻髻紫頭繩金繡雲肩翠玉纓學舞天魔纔擺隊長安
又領接番僧

周旋一首

旋字克敬慈谿人成化丁未進士授兵科給事中出
參廣藩有西溪小稿

秋思

倚杖獨行吟蕭條楚客心寒潮侵曉岸商籟響秋林俠氣老
猶壯窮愁閒轉深彷徨疑望久西北起輕陰

盧潛一首

潛字希哲天台人成化丁未進士授刑部主事歷員

外郎中出知黃州府改南安邵武有渺粟稿黃州集

九日遣興

江南鴻雁隨雲沒江北黃花冒雨開客裏光陰年似月眼前
愁緒去還來誰將玄髮看庭樹且對青山促酒杯一笑焚籠
吾分在錯教鷗鳥浪相猜

文森一首

森字宗嚴長洲人溫州守林弟成化丁未進士知慶雲縣改鄆城擢浙江道御史建言廷杖致仕起爲河南道御史遷南太僕少卿擢右僉都御史有中丞詩集

邵伯道中

去日流火來肅霜蒹葭大澤鳴鵝鵠螭龍已卧忽人立遠山
將盡如眉長古寺斷碑羅隱偈碧灣丹樹謝公棠舵樓北望
風煙直好共乘春早雁翔

陸完一首

完字全卿長洲人成化丁未進士除監察御史出爲
江西按察使擢右僉都御史巡撫宣府改南院督江
防軍召爲僉都御史遷兵部侍郎進右都御史加大
子少保改左都御史拜兵部尙書改吏部坐納宸璽
賄論死議平賊功減死戍福建靖海衛有水村集

王元章梅

月落參橫興已空鑑湖清淺夜推篷消磨不盡惟豪氣猶在

疏花淡墨中

林光一首

光字緝熙東莞人成化己酉舉人除平湖教諭遷國子博士改襄陽府長史有南川集

石門

遠水接長隄疏松遶斜谷入寺不逢僧一犬吠深竹

明詩紀事

貴陽陳 田輯

丙籤

姚綬 四首

綬字公綬嘉善人處士黻子天順甲申進士授監察

御史謫永寧知縣有穀菴集十卷

楊循吉松蘿堂集姚公綬解官歸所居在大雲里東
饒水竹作室曰丹邱嘯咏其中人稱丹邱先生又作
滄江虹月之舟遊泛吳越間善書法鍾王勁婉咸妙
畫初學水墨後進學唐品得古意
四友齋叢說嘉興姚雲東工詩善畫臨摹其臨趙
松雪王叔明二家畫墨氣皴染皆妙閒寫梅道人竹
石亦蕭洒可愛
六硯齋筆記姚雲東小景好作沙汀水曲孤釣獨吟
其潤幅重林遠汀著四五漁船而已此公壯歲入中
臺不及攬轡驂鸞晚年好道向平之願蚤畢三山五

獄之履懸而未試直以逸趣自寫胸中而已未可以

文沈作略慨之也

書史會要姚綬書類張伯雨

初號穀菴又號雲東子蘭臺逸史天田老農上清仙

吏嬾仙仙癡紫霞碧月翁並著人間唯丹邱先生為

尤顯平生慕張貞居之為人所見片紙隻字無不收

藏嘗得其鐵冠與遺像為撰句曲外史小傳鐵冠歌

云昔為柱史冠鐵冠者句曲外史人仙此冠已餘

林下不類義然鐵冠者句曲外史人仙此冠已餘

二百年繡斑蝕鐵冠者句曲外史人仙此冠已餘

中想應貽王鈎樓邊舊行處二儀三網銅色妍黃篾樓

鹿皮無此清芙蓉吐花金玉并鐵葉細薄不易成外

史星壇月明夜醺禮茅君鶴曾借出塵風度向誰彈

坐看瑤池碧桃謝予號逸史雲之東髮已種種今成

翁冠乎冠乎磨冷鐵今鐵曷能如古烈君不見古鐵

性烈今不如作冠甯住仙人居流落四海幸屬予著

之稱我青霞裾

田按雲東逸史畫

勝於書書勝於詩

桐邨小隱詩和韻

河流南入市徑路北通村新結草堂好舊栽桐樹繁兒童知
稼穡鷗鳥識琴尊有客問奇字乘舟直到門

錢舜舉山居圖過語見溪賦

舟中賴此能消日半匹溪藤意趣多
畫圖凌晉宋貞居詩語逼陰何
山回樹繞門空設雨過風輕水不波
誰個躋攀窮險阻一聲長嘯出煙蘿

田按錢舜舉浮玉山居圖卷紙本七分用墨三分設
淺綠色筆法絕類輞川有黃公望倪雲林顧阿瑛仇
山村鄭元祐楚石道人諸題跋舜舉自題云瞻彼南
山岑白雲何翩翩下有幽棲人嘯歌樂徂年藂石映
清泚嘉木澹芳妍日月無終極陵谷從變遷神襟軼
寥廓興寄揮五絃塵影一以絕招隱奚足言張貞居
於至正戊子得於書肆託爲景趣既高筆墨精妙詩
亦雅麗非近人語和韻云秋風動巖樹歸鳥何其翻
我思巖中人可以樂忘年夫君乃詞客畫手故作妍
吳興圖畫數詎隨時好還上巖雲積雪下巖水鳴弦

展卷續尺許坐對兩無言成化癸卯公綬得此卷於
瑞溪沈氏驚為至寶題詩至廿餘首此詩其一也後
又歸項墨林天籟閣國朝康熙中此圖為安儀周
所得著錄墨綠彙觀安氏中落購入內府光緒甲
午此圖復流落人間余獲見舜舉山居圖二一為二
紀題者係金碧山水一為此圖以淺綠和墨靜穆之
趣超乎塵表五百年來無此作矣題為浮玉山居者
以鄭遂昌題有餘不之水浮玉山句也此圖亦著錄
卞中丞式古堂書畫考

脩竹仕女圖

瑤臺無信託青鸞一寸芳心思萬端莫向東風倚修竹翠衫
經得幾多寒

題畫

秋風吹空古樹葉白雨壓低新竹枝淨埽石牀看暮色滿襟
涼影鬢絲絲

李應禎一首

應禎名姓以字行更字貞伯長洲人景泰癸酉舉人
授中書舍人遷南兵部郎中尙寶司卿太僕寺少卿
有李氏遺集

甫田集太僕書魏府君碑謂徵明日吾學書數十年
今始有得然老無益矣子其及目力壯時爲之因極
論書之要訣凡運指疑思吮毫濡墨與字之起落轉
換小大向背長短疏密高下疾徐莫不有法公雖潛
心古法而所自得爲多其尤妙能三指尖搦管虛腕
疾書今人莫能及
藝苑卮言少卿書人有求者多怒不應故傳世者少
書史會要少卿眞行草隸皆清潤端方如其爲人
文震孟姑蘇名賢小記范菴公入太學中官牛玉間
其名延爲弟子師公不往以善書選中書舍人故事
中書班列給事御史上近輒易其次公上書爭不報
中旨詔諸舍人書佛經公言天下國家有九經未聞
佛經也上恚廷杖公幾死致仕歸郡守劉某征斂苛
急人呼白面虎公作虎渡河詩致之公博學能詩書

法自成家然每恥以是名清疆果
毅侃侃終始真吳人士之神矜已

和邱時雍太守

解印歸來草結菴逢人便欲口三緘
鬢將半禿甯忘世骨未全消尚畏
謾別墅貯春常載酒晴湖泛月不
張帆年時種得梅千樹要看花開
雪滿巖

周鼎四首

鼎字伯器嘉善人以軍功授沐陽典史有桐村疑舫

齋士苴等集

南濠詩話柯博士九思在奎章日得出入內廷後失
寵退居吳下虞文靖公作風入松詞贈之亦微露
此意予問柯嘗畫黃鵠白頭題詩二絕白頭云春濃
不放小禽棲白髮衝冠向曉嘶簾幕半開人未起樓
臺風暖日猶低黃鸝云春風嬌軟綠陰肥上苑鶯花
紫翠圍卻向後宮深院裏一枝閒自理金衣近嘉興

周丈伯器嘗題二圖爲子誦之詩云奎章閣下老詞臣吟徧鶯花上苑春回首金衣閒自理綠陰多處少風塵重重羅幙護輕寒聽徹春禽午夜闌無限江南歸興裏不將華髮漫衝冠蓋用其語而反其意也
弇州四部稿伯器書結法鄭淵
田按伯器工書善賞鑒名人書畫往往見其題跋小詩亦有風致

留別張廷端

野亭芳樹下崖石大溪南客去閒秋色雲來作暮嵐誰家留信宿何處倚清酣拾得琅玕竹時時寄一面

晚坐

胡牀高柳下團扇入懷新笑指纖纖月蛾眉學未眞

寄叔莊

郭外何須二頃田江湖春水綠如煙扁舟蕩漾不歸去日暮

蘋花風滿川

漁村

湖上吹煙一縷輕
隔林聞得紡車聲
漁村風景偏宜晚
幾幅斜陽透網明

林景清 二首

景清號竹窗閩人成化中貢生官興國州判

歷代詩選徐興公云竹窗雅善草書吾鄉自永樂中王太史孟揚工於八法繼孟揚者竹窗也書法之妙不減吳興

寄陳野航

明月光沈水底天
野航常傍荻花前
山翁吟罷如泥醉
一枕江風自在眠

一清軒感舊

往事淒涼似夢中
香奩人去玉臺空
傷心最是秦淮月
還對秋閨燭影紅

金琮一首

琮字元玉上元人自號赤松山農

金陵瑣事山農金元玉書初法趙子昂晚學張伯雨
精工可愛落筆人便持去吳中文字徵仲極賞之凡得
片紙裝潢成卷題曰積玉畫梅花有逃禪老人筆意
自題絕句云一別西湖未得歸孤山風月近何如春
來賸有看花興又向君家寫折枝
顧起元客座贊語金元玉嘗遊浙之赤松山愛其佳
徘徊不能去因自號赤松山農居常退視清嘯人莫
能窺王公貴人雅相傾慕非先施未嘗一至其門
辛丑消夏記蔡之定云赤松銳於臨池每夜作書以
五寸燭爲度燭盡而止其勤如此其書品在莫雲卿
聶大年之上

駐景亭春日漫興

幾日春陰嬾出城不知時節近清明
青春公然背我去白髮忽欲滿頭生
殘酌自來池上了好詩偶在雨中成
南原明日開晴色到處看花約伴行

蔣文藻三首

文藻名元素以字行嘉興人

六硯齋筆記蔣文藻林塘與姚丹邱同隱大雲執師資之禮書畫步趨丹邱有酷肖者所作叢竹老木尤蒼勁有致人或以文雅稍怯輕之然亦有樸野真率不失山林氣味者

野步過田舍留飲

吳蠶上簇桑柘空薔薇花開村徑紅
野夫飽食一無事緩步小橋西
復東黃鸝綠陰曉不歇路轉卻逢田
舍翁殺雞留飲

話疇昔葦箔稍稍來南風

偕丹邱先生過蕭山竹林寺醉題壁間

門徑蕭蕭竹半池喜逢新夏亦秋時長林不卧嵇中散古字
猶存張卽之潮打山城鐘渡水雨飄經閣燕妨兒一尊除卻
眞閒事醉裏粗蠶是阿師

盧儒二首

儒字爲已崑山人天順初中書舍人有重齋稿

水東日記盧重齋博學能文善筆札文學韓柳書學
歐顏自負甚高時流罕及
梅花草堂集盧爲已勤學有文頗自負人有請其稿
者輒捧腹曰彼中有苟卒難相盡以薦拜中書舍人
時備顧問上嘗命作雪賦
頃刻立就盡屈其同事者

樂靜爲謝庭循賦二首

宴居坐軒屏翛然愜情志竹樹搖清風淅瀝生幽思埽花惜
春還留尊須客至昨與靜者期山中話幽事

靜觀人間世萬化相尋繹百年倏能幾而不養心迹垂簾閉
深清滿庭芳草積啼鳥時一聲山窗破幽寂

朱應祥二首

應祥字岐鳳松江華亭人成化中貢生有鳳山稿

陸深儼山詩話鄉前輩朱岐鳳敏於辭翰爲一時所
驚服

雲間雜識點易臺朱鳳山應祥讀書之所也朱性迂
狂嘗謂錢文通公曰予在點易臺讀公詩至不善處
恨不得長竿一擲公頭放言若此
書史會要應祥博學工詩善行草

梅花道人墓

梅老清風不可招椽林寒日雨蕭蕭武塘一曲煙霏外山寺

鐘聲落暮潮

麟溪道中

一川流水半村花
舊屋南隣是釣家
長記歸篷載春醖
雲籠殘照雨鳴沙

朱存理三首

存理字性甫長洲人有野航集

甫田集性甫詩精工雅潔務出新意得意處追躡古人

四友齋叢說野航葑門老儒在荻扁王氏教書與主

人晚酌罷主人入內適月上野航得句云萬事不如

杯在手一年幾見月當頭喜極發狂大叫扣扉呼主

人起咏此二句主人亦大擊節取酒更酌明日更請

吳中善詩者賞之大爲張具徵戲樂留連者數日吳

中舊事其風流致足樂也

祝鞏金石契性甫書陶晉戶吟升米堂

續吳先賢贊存理工篆籀

靜志居詩話性甫晚年募刻已詩疏曰嘔心少日已
無錦囊之才流淚終年空有碧雲之嘆髮白因其搜
索雖黃費我推敲抹去若干存來十一欲望收拾在
後子孫莫若流傳先自朋友其情甚為可憫祝希哲
贈詩云書抄滿篋皆親手詩草隨身半在舟沈啟南
題稿云雖止百篇諸體備不拘一律大方諸惜乎其
稿罕傳矣
田按性甫好藏書手自鈔錄精緻不苟又好硯鑒別
書畫自記謂消除歲月惟品視借書鑒畫三事而已
所輯鐵網珊瑚萬歷時為常熟趙琦美所得增錄數
卷雍正中年希堯鏤板行之又珊瑚木難八卷至今
好事家多有鈔本元季明初吳中舊俗好古之士多
以文史自娛南園俞氏笠澤盧氏廬山陳氏書籍金
石之富甲於海內景天以來若葉文莊吳文定都元
敬杜東原邢竊齋沈石田文徵仲錢孔周間秀卿輩
章甫趙與哲之流多手自鈔寫流播人間余嘗謂性
雅收藏海內多有若手自鈔錄
精冊名編此吳人獨絕者也

八日即事

新雪生寒曉欲消
河冰漸解晚生潮
庭禽初哢先聞鶯
闌

將萌未及蕉故事題詩聊歲歲野人行樂自朝朝從渠寂寞
如顏巷漫有春風酒一瓢

垂虹橋送戴明甫歸休甯

寶帶秋波啟別筵垂虹晚日送行船白雲似與越山隔明月
還同吳地懸後夜相思各杯酒來年重會賸詩篇殷勤再寫
橋頭景江冷丹楓歲暮天

九日松下

松下行行二三子書聲白晝草堂開老夫把卷仍自讀舊雨
到門今不來苔石無塵棋局在莎汀有水釣船回秋風籬落
偏蕭索獨嗅寒花持酒杯

明詩紀事

貴陽陳田輯

丙籤

秦旭 七首

旭字景陽無錫人有修敬先生集

田按景陽詩境閒適讀之令人意遠成化壬寅與陸
勉懋成高直惟清陳履天澤黃祿公福楊理叔理李
庶舜明陳懋行之施廉彥清潘緒繼芳修碧山吟社
於惠山之麓若冰洞之前黃公澗之上時舜明年八
十九景陽八十五天澤八十三懋成八十二惟清七
十九公祿七十三叔理七十三行之六十九彥清六
十一繼芳年未五十重其人邀之入社諸人皆一時
隱君子惟景陽以子夔貴封江西布政使其會惟論
詩詩成有燕殺核數盤飯一盂酒八行而巳中間
秋林陳進之歸自工部冰壑盛時望歸自都臺景陽
子夔歸自江藩亦時時一至不在恆數於時朝野清
娛從容吟宴於林壑之下沈啟南爲之圖邵國賢紀

其事吳匏菴寄題吟社詩云詩壇高築壬寅歲勝事
遙傳大歷年買地有賞酬野衲品泉無譜問茶仙樹
藏亭子清風塞路繞雲根小洞邊廬侶願隨諸老後
結盟遲我賦歸田王忠軒寄詩云少游何處開吟社
借得西神數畝山一代衣冠追洛下千金詞賦播人
間其爲播紳傾慕如此

傷春詞東繼芳

去年已賦傷春曲曾與潘郎歌斷續細雨梨花爛漫愁東風
楊柳淒迷綠今年又賦傷春詩燒燈華屋雨絲絲天公歲歲
能作惡偏在春光最好時

寄華祖芳隱君

簾幙捲斜曛沈香手自焚高風振頽俗幽思發清文鶴外看
湖草鷗邊步野雲年來厭形役自愧不如君

過玉溪山墅

衡門水木恣清華路轉西巖隱幾家五月涼陰千畝竹六時
清供一甌茶行逢流水聞僧梵吟到斜陽落礪花自信俗緣
消已盡不勞千劫謾蒸沙

水雲亭小酌

吏隱南塘小結亭此心何愧北山靈壺觴自可消孤悶魚鳥
還能慰獨醒風景只如桃葉渡秋光欲動蓼花汀簷前昨夜
微風起吹落蘭苕翡翠翎

與懋成惟清公祿叔理舜明山行歸途有作

落梅風急放湖船六客逍遙是散仙雪白河豚新入饌鵝黃
楊柳未成綿松菴相地開詩社花市留衣當酒錢寄語諸公
慎終始莫因勤怠誤流年

田按松菴相地開詩社此景陽紀首開碧山吟社作
也社中諸人詩附錄於此陸懋成花朝開社句云修
竹茂林思往事雨香雲淡屬花朝陳天澤重陽日社
中諸老登高句云尊前黃菊未堪把樹杪清泉時自
聲黃公祿吟社開宴句云酒籌不計看花飲詩句將
成爲雨催高惟清社集詩云池亭面面遠朱闌每月
探泉到碧山樂事還尋諸老共浮生能得幾時閒行
廚送饌來花外嘯鳥催詩出樹間扶醉登舟天已暮
月明湖上
放歌還

舟中紀興

東風雨鬢雪璦璦一枕蘭舟酒半酣不似邵菴處學士杏花
春雨憶江南

題梅花菴

孤山山上月明多長憶西湖瑪瑙坡安得扁舟吹短笛梅花
香裏一經過

陳懋 一首

懋字行之無錫人有錫谷集碧山十老之一

題小蓬瀛軒

澗頭綠水流花淨
谷口青林送客涼
銀鶴舞空秋淡淡
玉笙吹月夜茫茫

施廉 一首

廉字彥清無錫人碧山十老之一

自題山莊

深深鑿渠低覆梁
流水入戶桃花香
野人朝來足清睡
時有黃鸝過短牆

吳文鳳 一首

文鳳字以翔歙人

竹居自題

杲溪幽致類湘潭一榻清陰六月寒
睡起好懷何處著綠雲遮斷曲闌干

甘應奎 一首

應奎江甯人成化中貢生除嘉興訓導改龍南教諭
讀陶詩

淵明苦邑令高吟歸去來五斗腰不折
乃爲乞食哀昨非與今是俗子徒驚猜
南山不改色落我手中杯

陸潤玉 三首

潤玉字尚質松江華亭人有夢庵集

富林十景 錄二

風驅海門潮晴添八灣漲老漁棹歌同籬根繫吳榜
歸舟近橫浦日落風更急峭帆十幅蒲半帶荒煙濕

重過沙河有感

白鶴沙頭水自波扁舟曾載夕陽過東風一路蘼蕪綠添得
春愁別後多

龍璫 二首

璫字克溫宜春人僑寓金陵有鴻泥集二十卷

江西詩徵宜春龍璫以世襲武職遂爲金陵人與邱
仲深羅繇正陳公甫爲布衣交有聲江湖間自號半
閒居士
田按鴻泥集著錄明史藝文志詩綜未錄一字克溫
爲景天間一
詩家亟登之

平樂府

淒淒煙雨嶺南天翠壁青林斷復連山縣總荒兵火後士民
猶住賊巢邊車筒晝夜翻江水刀具春秋種石田幸際時和
太平日不須雞骨預占年

荊山鄉思

驛廳長晝思依依坐看晴檐柳絮飛斜日鳥呼春不住東風
雁比客先歸山程迢遞淹征轡野水微茫夢釣磯卻憶舊居
江口寺雨香蘋藻鱗魚肥

趙不踰一首

不踰字秉規順德人有迎西館集

珠海別意

落葉微霜古寺秋行人臨發重遲留離情未盡重斟酒歸興
都隨一葉舟殘月斷猿江上路夕陽紅樹驛邊樓明朝獨倚
河橋望人自相思水自流

劉常一首

常字世經海鹽人有武原集

青樓怨

綠楊飛絮撲簾輕百結愁腸夜轉生斜抱銀箏對明月十三
絃裏最關情

祝淇一首

淇字汝淵海甯人

雜題

東風楊柳拂春暉
煙靄陰陰野鳥啼
金谷日斜歌舞散
海棠無主草萋萋

賀承一首

承字宗振蘇州人

山居圖爲苒竹菴賦

高隱優游遠俗諱
竹籬茅屋半雲遮
山田種秫堪供釀
石澗分泉自煮茶
細草生香春正煖
長松過影日初斜
庭前更有梅兼鶴
彷彿西湖處士家

羅頤二首

頤字儀甫綿興山陰人

田按山陰羅氏三世
稱詩儀甫特爲題出

湖上

東山志不違幽澗
北苗肥野樹翻鴉
響岩花撲燕飛湖
情林岫出水澗渚
村微笑謝紅塵客
休過阮裕磯

送下洋客

積水連檣杳煙濤
絕域均星杓插天
漠日月轉雙輪地
坼炎洲迴山橫昧
谷隣岩雞半夜曉
海樹隔年春五色
翻鯨浪三花渡鶴
津鄉心看斗近旅
夢怯潮頻燈遠明
南極舟移按北辰
刀書蕃俗古行說
上皇民

劉鋹一首

鋹字汝忠壽光人
大學士琬子八歲
憲宗召見除中書
舍人累官太常卿
兼五經博士有西
橋集

國史疑劉文和珣子欽市入歲召入拜起如禮善
屬對授中書舍人慮牙牌觸損以銀易之仍不時召
見欽後博學多識官太常卿駕朝陵有御制詩用康
字諸臣屬和一律欽獨引造塚存康事云成祖詔斥
陵旁塚惟留寶祚康三姓信奇聞也
田按汝忠早慧年入歲泰陵召見除中書舍人宮殿
門高同官楊一清常提之出入能詩
與逸華泉何大復相倡和惜集不傳

同無涯大復待月次韻

一笑留君未盡歡試呼明月此憑欄豈應銀漢遙相隔正恐
瓊樓不奈寒青眼百年知已在枯桐何處賞音難莫慚草閣
荒涼甚多少明珠照筆端

孔克晏一首

克晏曲阜人孔子五十六代孫

雨後望嶧山

山色平明看雨餘，秋正濃滿前青。
突兀幾朵翠芙蓉，鳥落懸崖樹雲開。
對面峯當年頌功石，苔蘚辨秦封。

陳延齡一首

延齡初名壽，字昌年，嘉興人。景天間郡掾史，有松雲集。

早春曲

柳芽吐玉蘭芽小，羅幕凝寒覺春早。
腸斷王孫尚未歸，東風已綠天涯草。
笙篴塵滿瓊簫臥，熏籠閒熱沈香火。
惱儂題就抱愁眠，淚滴珊瑚暗成顆。

鄭延二首

延字世昌，海鹽人。以貢授廣東市舶提舉，有存笥集。

墨竹

零亂金錯刀參差鳳凰尾翠影落湘潭秋風吹不起

回雁

片影橫斜不作行數聲嘹唳度衡陽夜寒沙渚清無夢啄盡黃蘆葉上霜

史傑

四首

傑字孟哲湖州人大河衛百戶有義綫集

沐陽郭外訪克禮

公暇多幽興來尋處士家柳陰晴障日花氣煖蒸霞地接青郊迴門臨小徑斜主人能愛客汲水煮新茶

挽陳處士

買斷溪山遠避名白雲常日護茅亭老來不試屠龍技死去
惟存相鶴經階下苔痕空自綠簾前芳草爲誰青路人欲問
平生事光照幽阡太史銘

過曲阜謁孔廟

巍巍萬古靈光殿碧瓦朱甍炫彩霞留得手栽千尺檜綠雲
長護魯東家

贈濂上人

踏破苔花滿徑斑遠尋蘭若向溪山高僧自得無生趣門掩
松陰盡日間

李仲訓一首

仲訓號峴山南昌人官吏科給事中

西皋詞

流水小橋楊柳短牆深巷桃花魚子晴生墨沼鶯聲煖隔窗紗

吳一式一首

一式字子正東陽人

春宮詞

百轉流鶯曉禁中夢回驚起錦幃空
驟雷何處宮車過獨對桃花一樹紅

鍾詩二首

臆南海人

田按補號狂客成化間盛有詩名張東海寄狂客詩云狂客別來音信無定應騎馬入皇都嶺南儘有佳

山水莫向君

王乞鑑湖

和友人招遊西湖二首

湖光山色最宜秋，君不來招也去遊。
已辦蜀川千丈錦，爲誰今日盡纏頭。

萬頃西湖水貼天，芙蓉楊柳亂秋煙。
湖邊爲問山多少，每箇峯頭住一年。

明詩紀事

資陽陳田輯

兩籤

秦夔 五首

夔字廷韶無錫人處士旭子天順庚辰進士授南兵部主事歷耶中出爲武昌知府改建昌累遷江西右布政使有五峯遺稿

田按廷韶爲處士景陽子景陽結碧山吟社廷韶與弟旦爽亦稱詩可謂一家韻事致政歸築五峯草堂於九龍山下率二弟奉景陽遊衍其間登山臨水歌咏繼作如是者蓋數十年享士夫清曠之福爲一時所僅見云

題陳秋林畫松

千年老髯冰雪顏
欹側偃卧寒厓間
剴然悲風起長谷
化作龍吟秋滿山
太邱先生畫成癖
寫此甯吝百金直
披圖一笑成嘿然
海鶴飛來破秋色

秋日與同官登從姑閣

野寺孤城外登臨
眼界寬江山正搖
落樓閣自高寒
清梵雲間出幽泉
石上看同遊皆俊
彥樽酒且盤桓

陪任憲副遊麻源第三谷

霜臺先生老詞伯
攜我同上蓬萊宮
寒巖古樹棲一鶴
石竇飛泉垂兩虹
山中日月可不老
洞口桃花常自紅
神仙有無何足說
獨立滄江懷魯公

次楊郎中叔獻分賦陸墟別業

文筆峯前湖水西
幽棲地僻少輪蹄
花間穉子坐垂釣
竹外老翁行灌畦
酒熟漫拚金谷飲
詩成先許錦箋題
已聞孫楚如蓬賤
更說雕胡似掌齊

小瀛洲爲思軒內翰題

金鯉池邊結草堂
畫闌干外卽滄浪
花枝照眼錦雲亂
竹影滿庭蒼雪涼
晷盡湖山常對酒
芙蓉窗戶漫焚香
由來翰苑非人境
何必求仙問渺茫

秦旦一首

旦字永孚夔弟

春日言志

今日一何好
園林競芳菲
好風從東來
飄飄吹我衣
持此一

壺酒對景斟酌之願言且爲樂沒後非所知悠悠柴桑翁千載同襟期

惠山留宿璫上人房

寺古門常掩僧貧飯每遲石林剎米字塵壁掩唐詩曲徑松杉老荒庭橘柚垂九龍山色好相對一支頤

秦夷二首

賣字仲孚旦弟有滌煩亭稿

靜志居詩話仲孚爲修敬封公季子封公暴中心痛
曾學刺血於胸和酒飲之母股恭人膝傷吮之而愈
郡縣上其事詔旌其門曰孝子秦陵卽昨賜以冠帶
嘗作溪山清興堂清蓮閣結亭於後圃顏曰滌煩九
日詩云抱病忽聞佳節至獨攜藥杖強登臨黃花笑
我客還瘦綠酒盈樽手自斟處處辭巢知社燕家家
悲林送秋音不堪覽鏡頭如雪折得好枝懶去簪次
日得疾不起其詩較父兄別裁體格頗有清疎之氣

雨窗閒賦

茅屋松窗小隱家
一灣流水抱門斜
後園昨夜多風雨
零落海棠無數花

寫畫贈綺姪

雨餘溪水漫溶溶
綠樹陰中繫短篷
一曲滄浪人不見
釣絲輕颺白蘋風

陳焯一首

焯字文厚閩人有棲雲集

九月八日值雨

五日十日天氣清
故重九陰雲生
隣家貰得一壺酒
恐負明朝花下行

陳炷一首

炷字文用焯弟成化戊戌進士除監察御史出爲浙江按察僉事有留餘稿

題畫

老樹懸崖葉半秋草亭三面枕寒流釣船歸去斜陽沒惟有青山對白鷗

樊阜八首

阜字時登縉雲人成化戊子舉人官延平訓導

田按時登集樊氏詩爲樊山集乞吳匏菴序今不見傳本余因曹石倉歷代詩選有樊氏摘稿一卷時登最爲傑出五言如夕陽雨外明溪上山色好棗花落靡靡一大謨柴關七言如夕陽半落山迴影蹇驢一老尋詩還人家三兩溪南村桃李成行門對門石門晴雪落松響沙島寒雲壓竹低半簾眠色松杉靜一

筍春香笋簇肥山迴薄饌牛歸後江髮新寒雁過時
廚煙著樹添嵐翠野水歸塘亂瀑聲
暝色催人詩欲就一聲沙鳥半溪雲橋西有客舫
詩癖買徧青山種白雲皆佳句也

靈峯嶺道中

嶺路青林杪盤迴出亂雲寺樓當鳴見野碓隔溪聞屐澗苔
花積衣香藥草熏崖陰仙洞在遙見鹿麋羣

登觀音閣和前韻

維摩高閣起層層駐馬空門試一登雙嶂濕雲寒閣雨半巖
枯樹倒懸藤鶴行松逕迎來客猿坐蒲團伴病僧浮世茫茫
如夢幻甯須弔古淚沾膺

醉中到白厓而歸

往事無憑一夢空悠悠歧路任西東菊花向晚應嫌雨梧葉

經秋不耐風自笑長貧仍作客誰憐多病欲成翁青山斷處
孤城在一片砧聲夕照中

山中作

西風吹雨收竹屋雲陰散老鶴劃然鳴月上青山半

春日偶成

硯池香沁墨雲乾酒醒無情嬾著冠燕子歸遲春欲盡落花
吹雨小樓寒

寒夜

破屋難禁深夜雨布衾寒濕半窗雲愁來自起推窗看人比
梅花瘦幾分

過村家

細莎村路繞山斜
澗水西頭一兩家
桑柘葉乾鳩雨歇
茅檐索索響緤車

題東坡墨竹

赤壁歸來燕寢香
夢騎玄鶴過三湘
玉簫喚醒月初墮
雲影滿簾秋氣涼

樊昌一首

昌字友菊縉雲人有友菊詩

送別次韻

匹馬對尊酒送君歸
潁川暮雲深戀樹
春草遠連天故國幾
千里他鄉一兩年
何時復相見
去住各潸然

樊鐸一首

鐸字伯廣縉雲人有畏齋存稿

菱道驛遇姚子卿

岸柳依依白日斜
新巢語燕野人家
舊時姚合題詩興次第
春風數落花

莫藏一首

藏字用行海鹽人有素軒佩鱗二集

張甯方洲集莫藏作墨花清潤可喜
博李詩繫莫用行工詩文及真草篆隸諸體
章繪花木蟲魚水仙皆可愛送鄭東谷之廣東詩津
頭貫酒桐花落馬首看山荔子垂可稱警句

秋日書懷寄崔總戎

河橋一別柳初垂
又見黃花滿故籬
落日江樓王粲賦
秋風茅屋杜陵詩
關山遠望天連樹
歲月無情髮欲絲
見說東南

烽火靜轅門可是晏眠時

莫遯一首

遯字用嘉藏弟

過故人舊居

幽居寂寂掩柴扉
碧草荒煙鎖翠微
前度故人何處住
舊家燕子傍誰飛
鳥嘯深院傷瑤瑟
花落空階護薜衣
回首不堪嗟往事
夕陽門外曳筇歸

吳鎡五首

鎡詩綜誤作鎡今據吳氏傳家集正之字希聲歙人有月溪集十五卷

田按希聲稱吳氏世集自唐左臺御史少微始至明止月溪詩亦清爽

春暮溪行

旬月坐岑寂溪邊偶杖藜
雨來雲又合春去鳥空啼
生草綠平野落花紅滿蹊
無人知我意寓景自成題

題畫
四首

舟泊烏石灘人家白沙埭
春歸人未歸離情滿芳杜
涼盡千尋碧山青一髮微
詩翁機已息何事鳥驚飛
詩思入秋清嵐光翠如黛
屋在青山中人歸白雲外
花老已辭林陰似交夏
埭石坐看雲鷗來伴清暇

吳元鑑一首

元鑑字希明鑽弟有醉漁集五卷

題菊潭姪畫

近山岬岬何嵯峨
遠山淡淡如雲拖
嵐光過雨自飛動
直下

寒潭生白波石橋橋北林邊路有客攜琴向何處人家籬落
如桃源一夜東風花滿樹絕愛阿咸筆力優意匠不下顧虎
頭吟對斯圖想吳越放舟便欲湖中遊

吳信 二首

信字思復吳人有柚莊稿山居雜詠

寄李守恭

月上梅梢瘦影斜黃昏曾記到君家板橋曲徑孤邨裏茅屋
疏籬淺水涯石鼎細香焚柏子瓦瓶新釀出松花別來只訝
春風夢重到無由歲月賒

山中述異

禹穴蛟人冰雪軀水晶絡臂錦襦褕昨朝忽見南湖市來賣

一雙明月珠

吳敏 三首

敏字思德信弟

田按思德兄思復號柚莊有柚莊詩稿詩綜誤以柚莊作思德號據席珩湖山靈秀集正之

九月八日直河微雨

風煙淒其暗洲渚明日重陽今日雨牀頭綠酒惜空尊籬下
黃花恨無主犬吠雞鳴近直河楚州東去路無多川原曠莽
青山少無處登高可奈何

漳秋竹枝歌

金線鋪前河水深河流如帶草如鍼居民多在鋪邊住椿樹
重重高十尋

答翁明德

輕橈搖曳白鷗羣
載酒看山每共君
夢斷具區煙雨裏
荷花菱葉自紛紛